

摘藻堂四庫全書薈要

史部

欽定四庫全書薈要卷七千一百九十

史部

資治通鑑卷二百四

宋 司馬光 撰

胡三省 音註

唐紀二十

起疆圉大淵獻盡重光單閼凡五年

則天順聖皇后上之下

垂拱三年春閏正月丁卯封皇子成美爲恒王

睿宗時爲帝故

成美等皆稱皇子恒戶登翻

考異曰

唐歷舊本紀新傳皆作成義今從實錄 隆基爲楚王隆

範爲衛王隆業爲趙王 二月丙辰突厥骨篤祿等寇

昌平

昌平後漢縣屬廣陽國隋屬涿郡唐屬幽州

命左鷹揚大將軍黑齒常

之帥諸軍討之

帥讀曰率

三月乙丑納言韋思謙以大中

大夫致仕

夏四月命蘇良嗣留守西京

守式又翻考異曰實錄

新舊本紀統紀皆無良嗣

出守西京年月今據唐歷

時尚方監裴匪躬檢校京苑

光宅改少府監爲尚方監京苑西京之苑

將鬻苑中蔬果以收其利良嗣曰

晉公儀休相魯猶能拔葵去織婦

董仲舒曰公儀休相魯之其家見織帛怒

而出其妻食於舍而茹葵愠而拔其葵曰吾已食祿又奪園夫紅女利乎相息亮翻去羗呂翻

未聞萬

乘之主鬻蔬果也

乘繩證翻

乃止

壬戌裴居道爲納言五

月丙寅夏官侍郎京兆張光輔為鳳閣侍郎同平章事

鳳閣侍郎同鳳閣鸞臺三品劉禕之竊謂鳳閣舍人永

年賈大隱曰

永年漢本曲梁縣魏為廣平郡治所隋廢郡為廣平縣後改為雞澤仁壽元年改曰

永年避太子諱

也廣平唐帶洛州

太后既廢昏立明安用臨朝稱制

直朝

違不如返正以安天下之心大隱密奏之太后不悅謂

左右曰禕之我所引

劉禕之自北門學士至為相故云然

乃復叛我或誣

禕之受歸誠州都督孫萬榮金

貞觀二十一年以契丹別部置歸誠州屬松漠

都督府復

扶又反

又與許敬宗妾有私太后命肅州刺史王本

立推之本立宣勅示之禕之曰不經鳳閣鸞臺何名為

勅太后大怒以為拒捍制使

使疏吏翻

庚午賜死于家禕之

初下獄睿宗為之上疏申理

下遐嫁翻為音于偽翻上時掌翻

親友皆

賀之禕之曰此乃所以速吾死也臨刑沐浴神色自若

自草謝表立成數紙麟臺郎郭翰

光宅改秘書郎為麟臺郎

太子文

學周思鈞

太子宮司經局有太子文學三人正六品掌侍奉文章

稱歎其文太后

聞之左遷翰巫州司法思鈞播州司倉

貞觀八年以辰州龍標縣置巫

州九年以隋牂柯郡牂牁縣置播州舊志巫州京師南四千一百九十七里東都二千九百里播州京師南四

千四百五十里東都
四千九百六十里

秋七月壬辰魏玄同檢校納言

嶺南俚戶舊輸半課交趾都護劉延祐使之全輸俚

戶不從延祐誅其魁首其黨李思慎等作亂攻破安南

府城

高宗調露元年改交州都督府為安南都護府俚音里

殺延祐桂州司馬曹

玄靜將兵討思慎等斬之

將即亮翻元常傳云元常自蒼州刺史

考異曰舊書馮

轉廣州都督屬安南首領李嗣仙殺都督劉延祐剽陷州縣勅元常誅之帥士卒濟南海先馳檄示以威恩喻以禍福嗣仙徒黨多相帥歸降因縱兵

突厥骨篤祿

誅其魁首安慰居人而旋今從實錄

元珍寇朔州遣燕然道大總管黑齒常之擊之

燕因肩翻

以

左鷹揚大將軍李多祚為之副大破突厥於黃花堆

意即

黃瓜堆按朔州有黃花堆在神武川

追奔四十餘里突厥皆散走磧北

走音

奏磧七

多祚世為靺鞨酋長

靺鞨音末曷酋慈山翻長知兩翻

以軍功

得入宿衛黑齒常之每得賞賜皆分將士有善馬為軍

士所損官屬請答之常之曰奈何以私馬答官兵乎卒

不問

辛子恤翻

九月己卯虢州人楊初成詐稱郎將

將即亮翻

下同矯制於都市募人迎廬陵王於房州事覺伏誅冬

十月庚子右監門衛中郎將爨寶璧與突厥骨篤祿元

珍戰全軍皆沒寶璧輕騎遁歸

監古銜翻
騎奇寄翻

寶璧見黑齒

常之有功表請窮追餘寇詔與常之計議遙為聲援寶

璧欲專其功不待常之引精卒萬三千人先行出塞二

千餘里掩擊其部落既至又先遣人告之使得嚴備與

戰遂敗太后誅寶璧改骨篤祿曰不卒祿

卒子恤翻

命魏

玄同留守西京

守手又翻

武承嗣又使人誣李孝逸自云

名中有兔兔月中物當有天分

謂有分為天子分扶問翻

太后以孝

逸有功十一月戊寅減死除名流儋州而卒

儋州舊儋耳郡武德

五年置儋州舊志儋州至京師七千四百四十二里儋

徒甘錡卒子恤錡考異曰新紀天授元年殺梁公李

孝逸考逸初封梁郡公以平徐敬業功改封吳國公垂

拱三年薨死除名配流儋州當削爵矣新傳云流儋州

薨紀傳自相違唐歷云四月十一日誅益州長史李孝

逸亦舊任也統紀誅李孝逸并其黨崔元昉裴安期唐

歷并其黨崔知賢董元昉裴

安期等今從實錄及舊傳

太后欲遣韋待價將兵

擊吐蕃

考異曰實錄十二月丙辰命待價為安息道大總管督二十六總管以討吐蕃不言師出勝

敗如何至永昌元年五月又云命待價擊吐蕃七月敗於寅識迦河按本傳不云兩曾將兵今刪此事鳳

閣侍郎韋方質奏請如舊制遣御史監軍監古太后曰

古者明君遣將闡外之事悉以委之比聞御史監軍毗比

至軍中事無大小皆須承稟以下制上非令典也且何

以責其有功遂罷之是歲天下大飢山東關內尤甚

四年春正月甲子於神都立高祖太宗高宗三廟四時

享祀如西廟之儀

西廟西京宗廟也

又立崇先廟以享武氏祖

考太后命有司議崇先廟室數司禮博士周棕請為七

室

光宅改太常曰司禮史言周棕之請希旨迎合

又減唐太廟為五室春官侍

郎賈大隱奏禮天子七廟諸侯五廟百王不易之義今

周棕別引浮議廣述異聞直崇臨朝權儀

朝直送翻

不依國

家常度皇太后親承顧託光顯大猷其崇先廟室應如諸侯之數國家宗廟不應輒有變移太后乃止 太宗

高宗之世屢欲立明堂諸儒議其制度不決而止及太后稱制獨與北門學士議其制不問諸儒諸儒以為明堂當在國陽丙巳之地三里之外七里之內太后以為去宮太遠二月庚午毀乾元殿於其地作明堂以僧懷

義為之使

使疏
吏翻

凡役數萬人

夏四月戊戌殺太子通

事舍人郝象賢

唐制太子通事舍人正七品下
掌導引宮臣辭見及勞問之事

象賢處

俊之孫也初太后有憾於處俊

上元二年
諫高宗

會奴誣告象

賢反太后命周興鞠之致象賢族罪象賢家人詣朝堂

訟寃於監察御史樂安任玄殖

樂安郡棣州朝直
遙翻監古銜翻

玄殖

奏象賢無反狀玄殖坐免官象賢臨刑極口罵太后發

揚宮中隱慝奪市人柴以擊刑者金吾兵共格殺之太

后命支解其尸發其父祖墳毀棺焚尸自是終太后之

世法官每刑人先以木丸塞其口

塞悉
則翻

武承嗣使鑿

白石為文曰聖母臨人永昌帝業末紫石雜藥物填之

庚午使雍州人唐同泰奉表獻之

隋京兆郡武德元年改曰雍州雍於用翻

稱獲之於洛水太后喜命其石曰寶圖擢同泰為遊擊

將軍五月戊辰詔當親拜洛受寶圖有事南郊告謝昊

天禮畢御明堂朝羣臣

朝直遙翻

命諸州都督刺史及宗室

外戚以拜洛前十日集神都乙亥太后加尊號為聖母

神皇 六月丁亥朔日有食之 壬寅作神皇三靈

靈斯

氏翻 東陽大長公主削封邑并二子徙巫州

公主太宗之女長知

兩翻 公主適高履行太后以高氏長孫無忌之舅族故惡

之

惡鳥路翻

江南道巡撫大使冬官侍郎狄仁傑以吳楚

多淫祠奏焚其一千七百餘所獨留夏禹吳太伯季札

伍員四祠

員音云

秋七月丁巳赦天下更命寶圖為天

授聖圖洛水為永昌洛水

更工衡翻

封其神為顯聖侯加特

進禁漁釣祭祀比四瀆

唐制瀆為中祀

名圖所出曰聖圖泉

泉側置永昌縣又改嵩山為神嶽封其神為天中王拜

太師使持節神嶽大都督禁芻牧

使疏吏翻

又以先於汜水

得瑞石改汜水為廣武

汜水漢之成臯縣屬河南郡後魏為成臯郡置東中府隨開皇

十八年改成臯為汜水屬鄭州縣界有廣武
楚漢對壘處后改縣名以協其姓記音祀

太后潛謀

革命稍除宗室絳州刺史韓王元嘉青州刺史霍元王

軌邢州刺史魯王靈夔豫州刺史越王貞

豫州漢汝南郡地後魏置

豫州唐因之然唐之豫州

非能盡得漢汝南郡之地

及元嘉子通州刺史黃公譔

譔士免翻

又音銓

元軌子金州刺史江都王緒虢王鳳子申州

刺史東莞公融靈夔子范陽王藹貞子博州刺史琅邪

王冲在宗室中皆以才行有美名

行下孟翻

太后尤忌之元

嘉等內不自安密有匡復之志

考異曰舊傳垂拱三年七月譔也今從寶錄

誤謬為書與貞云內人病浸重當速療之若至今冬恐

成痼疾太后召宗室朝明堂

朝直遠翻

諸王因遞相驚曰神

皇欲於大饗之際使人告密盡收宗室誅之無遺誤詐

為皇帝璽書與冲云朕遭幽繫諸王宜各發兵救我冲

天詐為皇帝璽書云神皇欲移李氏社稷以授武氏

璽斯

氏翻八月壬寅冲召長史蕭惠琮等令募兵

考異曰寶錄作丙午蓋

擬奏到之日也舊傳本紀作壬寅按冲以戊申死而寶錄又云冲起兵七日而敗然則壬寅是也今從之

分

告韓霍魯越及貝州刺史紀王慎令各起兵共趣神都

趣七
喻翻

太后聞之以左金吾將軍丘神勣為清平道行軍

大總管以討之

博州有清平縣漢
貝丘縣也隋更名

冲募兵得五千餘人

欲度河取濟州先擊武水

武水漢東郡陽平縣地隋改
為清邑又分清邑置武水縣

唐屬博州
濟子禮翻

武水令郭務悌詣魏州求救莘令馬玄素

莘亦

漢陽平縣地後齊改曰樂平隋開皇六年復曰陽平八
年改曰清邑十六年置莘州大業初州廢為莘縣唐屬

魏州將兵千七百人中道邀冲恐力不敵入武水閉門拒

守冲推草車塞其南門

推吐雷翻
塞悉則翻

因風縱火焚之欲乘

火突入火作而風回冲軍不得進由是氣沮堂邑董玄

寂

堂邑漢縣後魏廢隋分清陽縣復置屬博州

為冲將兵擊武水

偽為于

謂人

曰琅邪王與國家交戰此乃反也冲聞之斬玄寂以徇

衆懼而散入草澤不可禁止惟家僮左右數十人在冲

還走博州

走音奏

戊申至城門為守門者所殺

丘神勣傳

云為勳官吳希智白丁孟

凡起兵七日而敗丘神勣

至博州官吏素服出迎神勣盡殺之凡破千餘家越王

貞聞冲起亦舉兵於豫州遣兵陷上蔡

上蔡縣漢屬汝南郡後魏曰臨

汝隋開皇初改曰武津大業初曰上蔡

九月丙辰命左

唐屬豫州九域志在州北五十五里

豹韜大將軍麴崇裕為中軍大總管岑長倩為後軍大

總管將兵十萬以討之

將即亮
翻下同

又命張光輔為諸軍節

度削冲屬籍更姓虺氏

更工衡
翻下同

貞聞冲敗欲自鑠詣

闕謝罪會所署新蔡令傅延慶

新蔡縣自漢以來屬汝
南郡唐屬豫州九域志

在州東一
百六十里

募得勇士二千餘人貞乃宣言於衆曰琅邪

已破魏相數州

相息
亮翻

有兵二十萬朝夕至矣發屬縣兵

共得五千分為五營使汝南縣丞裴守惠等將之

汝南
縣舊

曰上蔡隋大業初
改曰汝陽帶豫州

署九品以上官五百餘人所署官皆

受迫脅莫有鬪志惟守德與之同謀貞以其女妻之

妻七

細翻

署大將軍委以腹心貞使道士及僧誦經以求事成

左右及戰士皆帶辟兵符麴崇裕等軍至豫州城東四

十里貞遣少子規及裴守德拒戰兵潰而歸

少詩照翻

貞大

懼閉閣自守崇裕等至城下左右謂貞曰王豈可坐待

戮辱貞規守惠及其妻皆自殺

考異曰實錄庚戌貞舉兵九月丙寅豫州平

又云舉兵二十日而敗庚戌至丙寅纔十七日蓋皆據奏到之日耳

與冲皆梟首東都闕

下初范陽王藹遣使語貞及冲曰

梟堅亮翻使疏吏翻語牛倨翻下我語同

若四方諸王一時並起事無不濟諸王往來相約結未

定而冲先發惟貞狼狽應之諸王皆不敢發故敗貞之

將起兵也遣使告壽州刺史趙瓌瓌妻常樂長公主

長樂

公主高祖女使疏吏翻

下同樂音洛長知兩翻謂使者曰為我語越王

為于偽翻下似

為同語牛倨翻

昔隋文帝將篡周室尉遲迴周之甥也猶能舉

兵匡救社稷

事見一百七十四卷陳宣帝太建十四年尉紆勿翻

功雖不成威震

海內足為忠烈况汝諸王先帝之子豈得不以社稷為

心今李氏危若朝露汝諸王不捨生取義尚猶豫不發

欲何須邪

須待也

禍且至矣大丈夫當為忠義鬼無為徒

死也及貞敗太后欲悉誅韓魯等諸王命監察御史監

田蘇珣按其密狀珣訊問皆無明驗或告珣與韓魯通

謀太后召珣詰之珣抗論不回

監古銜翻下同珣式亮翻詰去古翻

太后

曰卿大雅之士朕當別有任使此獄不必卿也乃命珣

於河西監軍更使周興等按之

更工衡翻下同

於是收韓王元

嘉魯王靈夔黃公譔常樂公主於東都迫脅皆自殺考

異曰舊傳靈夔流振州自縊死今從實錄

更其姓曰虺親黨皆誅以文昌左

丞狄仁傑為豫州刺史

光宅改尚書左丞為文昌左丞

時治越王貞黨

與

治直之翻

當坐者六七百家籍沒者五千口司刑趣使行

刑

司刑寺即大理寺趣讀曰促

仁傑密奏彼皆誑誤

誑戶卦翻

臣欲顯奏

似為逆人申理知而不言恐乖陛下仁恤之旨太后特

原之皆流豐州道過寧州寧州父老迎勞之曰我狄使

君活汝邪

勞力到翻仁傑判寧州見上卷垂拱二年

相攜哭於惠政碑下設

齋三日而後行時張光輔尚在豫州將士恃功多所求

取仁傑不之應光輔怒曰州將輕元帥邪

將即亮翻帥所類翻

仁

傑曰亂河南者一越王貞耳

河南當作汝南

今一貞死萬貞生

光輔詰其語仁傑曰明公總兵三十萬所誅者止於越

王貞城中聞官軍至踰城出降者四面成蹊

降戶江翻

明公

縱將士暴掠殺已降以為功流血丹野非萬貞而何恨
不得尚方斬馬劍加於明公之頸雖死如歸耳光輔不

能詰歸奏仁傑不遜左遷復州刺史

自緊州左遷上州且自近州遷遠州

也舊志豫州去京師一千五百四十里至東都六百七
十里復州京師東南一千八百里至東都一千五百一

十八里
丁卯左肅政大夫騫味道夏官侍郎王本立並

同平章事 太后之召宗室朝明堂也東莞公融密遣

使問成均助教高子貢

朝直遙翻莞音官使疏吏翻下同

子貢曰來必

死融乃稱疾不赴越王貞起兵遣使約融融倉猝不能

應為官屬所逼執使者以聞擢拜右贊善大夫

唐東宮左右贊

善大夫正五品上掌傳令諷過失贊禮儀以經教授諸郡王

未幾為支黨所引

幾居豈翻

冬十月己亥戮於市籍沒其家高子貢亦坐誅濟州刺

史薛顓顓弟緒緒弟駙馬都尉紹皆與琅邪王冲通謀

濟子禮翻顓魚豈翻

顓聞冲起兵作兵器募人冲敗殺錄事參軍

高纂以滅口

唐武德初改州主簿為錄事參軍掌正違失雜符印

十一月辛酉顓

緒伏誅紹以太平公主故杖一百餓死於獄

紹以主婿免殊死

十二月乙酉司徒青州刺史霍王元軌坐與越王連謀

廢徙黔州

舊志黔州京師南三千一百九十三里至東都三千二百七十七里黔音琴

載以

檻車行至陳倉而死江都王緒殿中監郕公裴承先皆

戮於市承先寂之孫也

裴寂武德開國功臣

命裴居道留守西

京

守式又翻

左肅政大夫同平章事竊味道素不禮於殿

中侍御史周矩屢言其不能了事會有羅告味道者勅

矩按之矩謂味道曰公常責矩不了事今日為公了之

為于
偽翻

乙亥味道及其子辭玉皆伏誅

考異曰御史臺
記味道陷周興獄

今從
實錄

己酉太后拜洛受圖

受唐同泰所
獻偽石也

皇帝皇太子

皆從

從才
用翻

内外文武百官蠻夷各依方叙立珍禽奇獸

雜寶列於壇前文物鹵簿之盛唐興以來未之有也

辛亥明堂成高二百九十四尺方三百尺凡三層下層

法四時各隨方色中層法十二辰上為圓蓋九龍捧之

上層法二十四氣亦為圓蓋上施鐵鳳高一丈

高居
數翻

飾

以黃金中有巨木十圍上下通貫栳櫨桴藉以為本

栳音而梁上柱說文曰屋桁上標櫨音盧柱上拊曰桴廣韻栳也又曰柱也桴抽庚翻斜柱也桴婢脂翻翻屋

也栳下施鐵渠為辟雍之象以鐵為渠號曰萬象神宮宴

賜羣臣赦天下縱民入觀改河南為合宮縣又於明堂

北起天堂五級以貯大象懷義所作夾紵大像也貯丁呂翻至三級則

俯視明堂矣考異曰舊薛懷義傳云明堂大屋凡三層計高三百尺又於明堂北起天堂廣袤

亞明堂今從僧懷義以功拜左威衛大將軍梁國公考

異曰寶錄云懷義監造明堂以功擢授左武衛大將軍固辭不拜時有右玉鈴衛將軍王慈徵長上果毅元肅

然請與懷義為兒既而陰有異圖欲奉之為主懷義密奏其狀由是慈徽等坐斬進拜懷義輔國大將軍封盧

國公賜物三千段又表辭不受今從舊傳侍御史王求禮上書曰古之明堂

茅茨不翦采椽不斷今者飾以珠玉塗以丹青鐵鸞入

雲上時掌翻鸞士角金龍隱霧昔殷辛瓊臺夏癸瑤室

無以加也殷辛紂也太后不報太后欲發梁鳳巴蜚蜚從

早翻自雅州開山通道出擊生羌因襲吐蕃貞觀五年

雅州以處生羌八年正字陳子昂上書上時以為雅州

去西字吐從瞰入聲邊羌自國初以來未嘗為盜今一旦無罪戮之其怨必

甚且懼誅滅必蜂起為盜西山盜起

西山在城都西松茂二州都督府所

統諸州皆西山羗也

則蜀之邊邑不得不連兵備守兵久不解臣

愚以為西蜀之禍自此結矣臣聞吐蕃愛蜀富饒欲盜

之久矣徒以山川阻絕障隘不通勢不能動今國家乃

亂邊羗開隘道使其收奔亡之種為鄉導以攻邊是借

寇兵為賊除道舉全蜀以遺之也

種章勇翻鄉讀曰嚮為賊于偽翻遺于季

翻蜀者國家之寶庫可以兼濟中國今執事者乃圖僥

幸之利以事西羗

僥工堯翻

得其地不足以稼穡財不足以

富國徒為糜費無益聖惠況其成敗未可知哉夫蜀之

所恃者險也

扶夫音

人之所以安者無役也今國家乃開

其險役其人險開則便寇人役則傷財臣恐未見羌戎

已有奸盜在其中矣且蜀人尪劣

尪烏黃翻弱也

不習兵戰山

川阻曠去中夏遠

雅夏戶翻

今無故生西羌吐蕃之患臣見

其不及百年蜀為戎矣國家近廢安北拔單于弃龜茲

放踈勒

廢安北拔單于以突厥畔援也弃龜茲放踈勒以吐蕃侵逼也單音蟬龜茲音丘慈又音屈佳

天下翕然謂之盛惠者蓋以陛下務在養人不在廣地

也今山東飢關隴弊而狗貪夫之議謀動甲兵興大役
自古國亡家敗未嘗不由黷兵願陛下熟計之既而役
不果興

永昌元年春正月乙卯朔大饗萬象神宮太后服袞冕

播大圭執鎮圭為初獻

周禮注大圭長三尺杼上終葵首天子服之鎮圭尺有二寸天

子守之鎮圭飾四鎮山象其高圭中約以組防其
隆齊人謂槌為終葵圭首六寸為槌以下殺之

皇帝

為亞獻太子為終獻先詣昊天上帝座次高祖太宗高

宗次魏國先王

魏國先王
武士獲也

次五方帝座太后御則天門

赦天下改元丁巳太后御明堂受朝賀

朝直遙翻

戊午布政

于明堂頒九條以訓百官己未御明堂饗羣臣 二月

丁酉尊魏忠孝王曰周忠孝太皇妣曰忠孝太后文水

陵曰章惠陵咸陽陵曰明義陵

武氏之先葬文水士爨及其妻葬咸陽

置

崇先府官戊戌尊魯公曰太原靖王北平王曰趙肅恭

王金城王曰魏義康王太原王曰周安成王 三月甲

子張光輔守納言 壬申太后問正字陳子昂當今為

政之要子昂退上疏

上時掌翻

以為宜緩刑崇德息兵革省

賦役撫慰宗室各使自安辭婉意切其論甚美凡三千言
癸酉以天官尚書武承嗣為納言張光輔守內史

夏四月甲辰殺辰州別駕汝南王煒連州別駕鄱陽
公譚等宗室十二人徙其家於雋州煒憚之子譚元慶

之子也

蔣王煒太宗子道王元慶高祖子
也煒于鬼翻譚音因憚於粉翻

己酉殺天官

侍郎藍田鄧玄挺玄挺女為譚妻又與煒善譚謀迎中
宗於廬陵以問玄挺煒又嘗謂玄挺曰欲為急計何如
玄挺皆不應故坐知反不告同誅 五月丙辰命文昌

右相韋待價為安息道行軍大總管擊吐蕃 浪穹州

蠻酋傍時昔等二十五部先附吐蕃至是來降

酋慈由
翻降戶

江以傍時昔為浪穹州刺史令統其衆

南詔六部號為
六詔浪穹詔其

一也已已以僧懷義為新平軍大總管

考異曰舊傳
為清平道大總

管今從實錄

余按新平

北討突厥行至紫河

隋志定
襄郡大

幽州軍出幽州而北伐也

利縣有陰山有紫河即太宗遣思摩建牙之地杜佑曰

勝州榆林縣有金河紫河自馬邑郡善陽縣界流入

不見虜於單于臺刻石紀功而還

還從宣翻
又如字

諸王之

起兵也貝州刺史紀王慎獨不預謀亦坐繫獄秋七月

丁巳檻車徙巴州更姓虺氏行及蒲州而卒

紀王慎徙巴州蓋今

取道相衛自河北路西上不得至東都歷絳至蒲而卒更工衡翻卒子恤翻

八男徐州刺史

東平王續等相繼被誅

被皮義翻長子和州刺史東平王續最知

考異曰舊傳云慎

名早卒今從實錄

家徙嶺南女東光縣主楚媛幼以孝謹稱適

司議郎裴仲將相敬如賓姑有疾親嘗藥膳接遇娣姒

皆得歡心

杜預曰兄弟之妻相謂曰姒蓋妯娌相呼以身年長少為名年長為姒少為娣不以夫之

長幼也俗以兄之妻為姒弟為娣非也爾雅曰長婦謂稚婦為娣娣娣謂長婦為姒娣媛于眷翻

時宗

室諸女皆以驕奢相尚謂楚媛獨儉素曰所貴於富貴

者得適志也今獨守勤苦將以何求楚媛曰幼而好禮
今而行之非適志歟觀自古女子皆以恭儉為美縱侈
為惡辱親是懼何所求乎富貴儻來之物何足驕人衆
皆慙服及慎凶問至楚媛號慟嘔血數升

好呼到翻
號戶高翻

免

喪不御膏沐者垂二十年 韋待價軍至寅識迦河

據舊

書待價傳寅識迦

與吐蕃戰大敗待價既無將領之才

河當在弓月西南

將即亮翻

狼狽失據士卒凍餒死亡甚衆乃引軍還太后大

怒丙子待價除名流繡州

繡州漢阿林縣地至隋猶屬
鬱林郡唐武德四年分置林

州六年改曰繡州去長安六十
九十里至東都五千五百里

斬副大總管安西大都

護閣溫古安西副都護唐休璟收其餘衆撫安西土

俱璟

永太后以休璟為西州都督 戊寅以王本立同鳳閣

鸞臺三品 徐敬業之敗也

事見上卷
光宅元年

弟敬真流繡州

逃歸將奔突厥過洛陽

厥九
勿翻

洛州司馬弓嗣業

孫恹曰
弓姓也

洛陽令張嗣明資遣之至定州為吏所獲嗣業縊死

於縊

計嗣明敬真多引海內知識云有異圖冀以免死於是

朝野之士為所連引坐死者甚衆

朝直
送翻

嗣明誣內史張

光輔云征豫州日私論圖讖天文陰懷兩端

謂征越王貞時

八

月甲申光輔與敬真嗣明等同誅籍没其家乙未秋官

尚書太原張楚金陝州刺史郭正一鳳閣侍郎元萬頃

洛陽令魏元忠並免死流嶺南

陝失冉翻

楚金等皆為敬真

所引云與敬業同謀臨刑太后使鳳閣舍人王隱客馳

騎傳聲赦之聲達於市當刑者皆喜躍謹呼

騎奇寄翻謹讀如謹

宛轉不已元忠獨安坐自如或使之起元忠曰虛實未

知隱客至又使起元忠曰俟宣勅已既宣勅乃徐起舞

蹈再拜竟無憂喜之色是日陰雲四塞既釋楚金等天

氣晴霽

塞悉則翻
金絞死八月二十一日郭正一絞死年代紀七

考異曰唐歷七月二十四日張楚

月甲戌楚金絞死新書紀八月辛丑殺郭正一今據實
錄楚金等皆流配未死舊書楚金正一萬頃傳皆云流
嶺南御史臺紀云元忠將刑至于市神色自若則天以
楊楚功免死流放復叙授御史中丞復臨來俊臣獄復
至市將刑神色如初其傍諸王子幾者三十餘尸重疊
委積元忠顧視曰大丈夫少選居此積矣曾不介懷會
鳳閣舍人王隱客馳騎傳呼勅罷刑流放嶺南又云前
後坐弃市流放者四舊傳云前後三被流今從舊傳

九月壬子以僧懷義為新平道行軍大總管將兵二

十萬討突厥骨篤祿

將即
亮翻

初高宗之世周興以河陽

令召見

河陽縣自漢以來屬河內郡唐屬懷州又屬孟州見賢通翻

上欲加擢用或

奏以為非清流罷之

周興發身於尚書都事流外官也

興不知數於朝

堂俟命

數所角翻朝直遙翻

諸相皆無言

相息亮翻

地官尚書檢校納

言魏玄同時同平章事

光宅改戶部為地官

謂之曰周明府可去

矣

唐人呼縣令為明府

興以為玄同沮已銜之玄同素與裴炎善

時人以其終始不渝謂之耐久朋周興奏誣玄同言太

后老矣不若奉嗣君為耐久

為于偽翻下為長同

太后怒閏月甲

午賜死于家監刑御史房濟謂玄同曰丈人何不告密

冀得召見可以自直

見賢通翻

玄同歎曰人殺鬼殺亦復何

殊

復扶又翻

豈能作告密人邪乃就死又殺夏官侍郎崔謩

於隱處

光宅改兵部為夏官

自餘内外大臣坐死及流貶者甚衆

彭州長史劉易從

彭州漢繁縣之地宋置晉壽郡故城在州北三里梁置東益州後魏置天

水郡仍改繁縣為九龍縣仍置蒙州隋省唐武德初復置尋省併益州垂拱二年復分置彭州易以鼓翻

亦

為徐敬真所引戊申就州誅之易從為人仁孝忠謹將

刑於市吏民憐其無辜遠近奔赴競解衣投地曰為長

史求冥福

為于偽翻

有司平準直十餘萬周興等誣右武衛

大將軍燕公黑齒常之謀反徵下獄

燕因肩翻
下避嫁翻

冬十月

戊午常之縊死

縊於計翻

已未殺宗室鄂州刺史嗣鄭王璿

等六人

鄂州春秋夏洎之地江夏記云一名夏口一名魯口吳始築郢城晉末始立鄂州隋平陳改為

鄂州因鄂渚為名璿居影翻璿鄭王元懿之子

考

庚

異曰唐歷云撫州別駕舊傳璿作敬今從新本紀

申嗣滕王脩琦等六人免死流嶺南

元考異曰統紀云
嬰男脩瑤等五

人免死配流

今從舊傳

丁卯春官尚書范履冰鳳閣侍郎邢文

偉並同平章事

已卯詔太穆神皇后文惠聖皇后宜

配皇地祇忠孝太后從配

太后尊其母為忠
孝太后從才用翻

右衛曹

曹參軍陳子昂

唐諸衛府皆有冑曹參軍掌戎仗器械及公廨興造決罰之事

上疏以

為周頌成康漢稱文景皆以能措刑故也

上時掌翻

今陛下

之政雖盡善矣然太平之朝上下樂化不宜有亂臣賊

子日犯天誅比者大獄增多逆徒滋廣

朝直遙翻樂音洛比毗至翻

愚臣頑昧初謂皆實乃去月十五日陛下特察繫囚李

珍等無罪百僚慶悅皆賀聖明臣乃知亦有無罪之人

挂於踈網者陛下務在寬典獄官務在急刑以傷陛下

之仁以誣太平之政臣竊恨之又九月二十一日勅免

楚金等死初有風雨變為景雲臣聞陰慘者刑也陽舒者惠也聖人法天天亦助聖天意如此陛下豈可不承順之哉今又陰雨臣恐過在獄官凡繫獄之囚多在極法道路之議或是或非陛下何不悉召見之自詰其罪

詰去吉翻

罪有實者顯示明刑濫者嚴懲獄吏使天下咸服人知政刑豈非至惠克明哉

天授元年

是年九月方改元天授

十一月庚辰朔日南至太后享

萬象神宮赦天下始用周正改永昌元年十一月為載

初元年正月以十二月為臘月夏正月為一月以周漢

之後為二王後舜禹成湯之後為三恪

古者建國有賓有恪二王之後

賓也待以客禮師占曰恪敬也待之加敬亦如賓也鄭

玄以二王三恪通為五代後人多祖其說唐本以後周

及隋後為二王後今改之

周隋之嗣同列國

此周謂後周

鳳閣侍郎河

東宗秦客

河東蒲州

改造天地等十二字以獻

十二字照為聖天為兩地

為聖日為日月為因星為○君為唐臣為惡人為王

載為顯年為率正為正又有證為鑿腫為聖二字

丁

亥行之太后自名璽改詔曰制

避后名也

秦客太后從父姊

之子也

從才用翻

乙未司刑少卿周興奏除唐親屬籍

臘月辛未以僧懷義為右衛大將軍賜爵鄂國公 春

一月戊子武承嗣遷文昌左相岑長倩遷文昌右相同

鳳閣鸞臺三品鳳閣侍郎武攸寧為納言邢文偉守內

史左肅政大夫同鳳閣鸞臺三品王本立罷為地官尚

書攸寧士驥之兄孫也

驥一號翻

時武承嗣三思用事宰相

皆下之

下退嫁翻

地官尚書同鳳閣鸞臺三品韋方質有疾

承嗣三思往問之方質據牀不為禮或諫之方質曰死

生有命大丈夫安能曲事近戚以求苟免乎尋為周興

等所構甲午流儋州籍沒其家

唐都

二月辛酉太后

策貢士於洛城殿

六典洛城南門之西有麗景夾城自此潛通上陽宮洛城南門之內有洛

城貢士殿試自此始 丁卯地官尚書王本立薨

考異曰

新紀丁卯殺王本立御史臺記本立為周興所誅今從實錄

三月丁亥特進同鳳

閣鸞臺三品蘇良嗣薨

夏四月丁巳春官尚書同平

章事范履冰坐嘗舉犯逆者下獄死

考異曰新紀五月戊子殺范履冰

今從實錄唐歷

醴泉人侯思止

醴泉漢池陽谷口之地後魏置寧夷縣隋開皇十八年改

曰醴泉屬雍州

始以賣餅為業後事游擊將軍高元禮為僕素

詭譎無賴恒州刺史裴貞杖一判司

唐謂州曹諸司參軍為判司韓愈詩

所謂判司卑官不堪說未免

判司使思止告貞與舒王

筆楚塵埃間是也恒戶登翻

元名謀反秋七月辛巳元名坐廢徙和州

舊志和州京師東南二千六百

八十三里至東都一千八百一十一里

壬午殺其子豫章王亶貞亦族

滅擢思止為游擊將軍時告密者往往得五品思止求

為御史太后曰卿不識字豈堪御史對曰獬豸何嘗識

字但能觸邪耳

異物志東北荒中有獸名獬豸一角性忠直見人鬪則觸不直者聞人論則咋

不直者獬豸翻胡賣

太后悅即以為朝散大夫侍御史

朝直達翻

翻豸宅賣翻

散悉
皇翻

它日太后以先所籍没宅賜之思止不受曰臣惡

反逆之人

惡烏路翻

不願居其宅太后益賞之衡水人王弘

義素無行

行下孟翻

嘗從隣舍乞瓜不與乃告縣官瓜田中

有白兔縣官使人搜捕蹂踐瓜田立盡

蹂人九翻踐息淺翻

又遊

趙貝見閭里耆老作邑齋遂告以謀反殺二百餘人擢

授游擊將軍俄遷殿中侍御史或告勝州都督王安仁

謀反勅弘義按之安仁不服弘義即於枷上刎其首又

捕其子適至亦刎其首函之以歸道過汾州司馬毛公

與之對食須臾叱毛公下階

下還嫁翻

斬之槍揭其首入洛

見者無不震栗

揭其謂翻

時置制獄於麗景門內

唐六典曰洛城南門

之西有麗景夾城自此潛通於上陽宮又曰洛陽皇城西面二門南曰麗景北曰宣耀

入是獄者

非死不出弘義戲呼曰例竟門

竟盡也言入此門者例盡其命也劉昫曰言入

此門者例皆竟也

朝士人人自危相見莫敢交言道路以目或

因入朝密遭掩捕每朝輒與家人訣曰未知復相見否

朝直遙翻復扶又翻

時法官競為深酷唯司刑丞徐有功杜景儉

司刑丞即大理丞考異曰實錄及新紀表傳皆作景全蓋實錄以草書致誤新書因承之耳今從舊統紀

獨存平恕被告者皆曰遇來侯必死遇徐杜必生有功

文遠之孫也

徐文遠見一百八十五卷高祖武德元年

名弘敏以字行初為

蒲州司法

唐制法曹司法參軍掌鞫獄
麗法督盜賊知賊贖沒入

以寬為治

治直吏翻

不施敲朴吏相約有犯徐司法杖者衆共斥之迨官滿

不杖一人職事亦修累遷司刑丞酷吏所誣搆者有功

皆為直之

為于偽翻
下右為同

前後所活數十百家嘗廷爭獄事

太后厲色詰之

結去吉翻

左右為戰栗有功神色不撓

撓奴教翻

爭之彌切太后雖好殺

好呼到翻

知有功正直甚敬憚之景

儉武邑人也

武邑漢縣屬信都郡後漢晉屬安平郡後魏屬武邑郡隋唐屬冀州

司刑丞

滎陽李日知亦尚平恕少卿胡元禮欲殺一囚日知以

為不可往復數四元禮怒曰元禮不離刑曹此囚終無

生理日知曰日知不離刑曹此囚終無死法竟以兩狀

列上

離力知翻上時掌翻下同

日知果直

東魏國寺僧法明等撰

大雲經四卷表上之

撰士免翻

言太后乃彌勒佛下生當代

唐為閻浮提主

釋氏以人世為閻浮提

制頒於天下

武承嗣使

周興羅告隋州刺史澤王上金

隋州春秋隨子之國漢為隨縣屬南陽郡後魏

置隋州舊志隋州京師東南一千三百八十八里至東都一千八里舒州刺史許王素節

謀反徵詣行在

舊志舒州京師東南二千六百二十里至東都一千八百九十三里

素

節發舒州聞遭喪哭者歎曰病死何可得乃更哭邪丁

亥至龍門

龍門山在洛州河南縣界

縊殺之

縊於計翻

上金自殺悉誅其

諸子及支黨太后欲以太平公主妻其伯父士讓之

孫攸暨

垂拱四年誅薛紹太平公主寡居妻七細翻下同

攸暨時為右衛中郎

將將即亮翻太后潜使人殺其妻而妻之公主方額廣頤多

權略太后以為類己寵愛特厚常與密議天下事舊制

食邑諸王不過千戶公主不過三百五十戶太平食邑

獨累加至三千戶

此食實戶也若唐制以品為差則累於是劉昫曰唐制公主食封三百戶

長公主加五百戶有至六百戶高宗以太平公主武后所生逾於舊制垂拱中太平公主至一千二百戶聖歷

初至三千戶景雲初增至五千戶

八月甲寅殺太子少保納言裴居

道癸亥殺尚書左丞張行廉辛未殺南安王潁等宗室

十二人又鞭殺故太子賢二子唐之宗室於是殆盡矣

其幼弱存者亦流嶺南又誅其親黨數百家

考異曰實錄作數

千家今從舊本紀

惟千金長公主以巧媚得全自請為太后女

仍改姓武氏太后愛之更號延安大長公主

長知兩翻下同更工

衡翻

九月丙子侍御史汲人傅遊藝

汲縣漢屬河內郡晉以來帝汲郡東

魏置義州隋廢為汲縣貞觀初移衛州治焉

帥關中百姓九百餘人詣闕上

表

帥讀曰率上時掌翻下同

請改國號曰周賜皇帝姓武氏太后不

許擢遊藝為給事中於是百官及帝室宗戚遠近百姓

四夷酋長沙門道士合六萬餘人

酋慈由翻

俱上表如遊藝

所請皇帝亦上表自請賜姓武氏戊寅羣臣上言有鳳

皇自明堂飛入上陽宮還集左臺梧桐之上

左臺左肅政臺也

久之飛東南去及赤雀數萬集朝堂

朝直送翻

庚辰太后可

皇帝及羣臣之請壬午御則天樓

則天門樓也

赦天下以唐

為周改元

改元天授

乙酉上尊號曰聖神皇帝以皇帝為皇

嗣賜姓武氏以皇太子為皇孫丙戌立武氏七廟于神

都追尊周文王曰始祖文皇帝妣妣氏曰文定皇后

太如

如也姓譜如受姓自縣

平王少子武曰睿神康皇帝妣姜氏曰康

睿皇后

后遠祖姬周誣神甚矣文王其有饗非鬼之祭乎

太原靖王曰嚴祖成

皇帝妣曰成莊皇后趙肅恭王曰肅祖章敬皇帝魏義

康王曰烈祖昭安皇帝周安成王曰顯祖文穆皇帝忠
孝太皇曰太祖孝明高皇帝妣皆如考謚稱皇后立武
承嗣為魏王三思為梁王攸寧為建昌王士彥兄孫攸
歸重規載惠攸暨懿宗嗣宗攸宜攸望攸緒攸止皆為

郡王諸姑姊皆為長公主

攸一號翻
長知兩翻

又以司賓卿漂陽

史務滋為納言

光宅改鴻臚為司賓漂陽縣漢屬丹楊
郡江左因之隋平陳廢丹楊郡以漂陽

縣屬宣州
漂音栗

鳳閣侍郎宗秦客檢校內史給事中傅遊藝

為鸞臺侍郎平章事遊藝與岑長倩右玉鈴衛大將軍

張虔勗左金吾大將軍丘神勣侍御史來子珣等並賜

姓武秦客潛勸太后革命故首為內史遊藝期年之中

歷衣青綠朱紫

一年之間自九品歷至三品衣於既翻

時人謂之四時仕

宦勅改州為郡或謂太后曰陛下始革命而廢州不祥

以州周同音也

太后遽追止之命史務滋等十人巡撫諸道太

后立兄孫延基等六人為郡王冬十月甲子檢校內

史宗秦客坐賊貶遵化尉

遵化縣屬欽州隋開皇二十年置

弟楚客亦以

奸賊流嶺外丁卯殺流人韋方質

配流儋州尋卒今

卒今從統
紀新本紀

辛未內史邢文偉坐附會宗秦客貶珍州

刺史

珍州漢夜郎郡地貞觀十六年開山洞以舊播州城置珍州及夜郎縣以縣界有隆珍山因名舊志

珍州至京師四十一百
里東都二千七百里

頃之有制使至州

以奉制出使
故謂之制使

猶言詔使也
使疏吏翻

文偉以為誅已遽自縊死

縊於
計翻

壬申勅

兩京諸州各置大雲寺一區藏大雲經使僧升高座講

解其撰疏僧雲宣等九人皆賜爵縣公

撰士免翻
疏所去翻

仍賜

紫袈裟銀龜袋

西域胡僧衣毛衣謂之袈裟流入中國
以繒帛為之常僧皆衣繒惟賜紫者乃

得衣紫袈音加裟音沙唐制給品官以隨身魚符以明
貴賤應徵召高宗給五品以上以隨身銀魚袋以防白

命之詐出內必合之三品以上金飾袋垂拱中都督刺史始賜魚天授二年改佩魚皆佩龜其後三品已上龜袋飾以金四品以銀五品以銅中宗初罷龜袋復給以魚

制天下武氏咸蠲課役

西突厥十姓自垂拱以來為東突厥所侵掠

東突厥謂骨篤

等散亡略盡濛池都護繼往絕可汗斛瑟羅收其餘衆

六七萬人入居內地拜右衛大將軍改號竭忠事主可

汗

可從刊入聲汗音寒

道州刺史李行褒兄弟為酷吏所陷當

族秋官郎中徐有功固爭不能得秋官侍郎周興奏有

功出反囚當斬

考異曰新舊傳有功爭行褒皆在爭行本下按行本得罪在長壽元年一

月時周興已貶死矣行褒生謀復
李氏必在革命後今置此年之末

太后雖不許亦免有

功官然太后雅重有功久之復起為侍御史

復扶又翻
下掌復同

有功伏地流涕固辭曰臣聞鹿走山林而命懸庖厨勢

使之然也陛下以臣為法官臣不敢枉陛下法必死是

官矣太后固授之遠近聞者相賀是歲以右衛大將

軍泉獻誠為左衛大將軍太后出金寶命選南北牙善

射者五人賭之獻誠第一以讓右玉鈐衛大將軍薛咄

摩咄摩復讓獻誠

咄當
沒翻

獻誠乃奏言陛下令選善射者

今多非漢官竊恐四夷輕漢

泉獻誠高麗泉男生之子薛吐摩薛延陀之種故云

然請停此射太后善而從之

二年正月癸酉朔太后始受尊號於萬象神宮

漢哀帝自稱陳

聖劉太平皇帝尊號蓋肪於此太后以女主而受尊號尤為非古是後玄宗自先天三年至天寶十三載五十年間六受徽號人主遂視為故常矣 旗幟尚赤 幟昌志翻 甲戌改置社稷於神

都辛巳納武氏神主于太廟唐太廟之在長安者更命

曰享惠廟

更工衡翻 考異曰案實錄此年三月己卯改唐太廟為享德廟據此已附武氏七廟主

不當至三月方改唐廟新本紀元年十月辛未改唐太廟為享德廟以武氏七廟為太廟今從唐統紀

四

時唯享高祖已下餘四室皆閉不享

四室宣帝元帝
光帝景帝也

又

改長安崇先廟為崇尊廟

垂拱四年
立崇先廟

乙酉日南至大享

明堂祀昊天上帝百神從祀

從才
用翻

武氏祖宗配饗唐三

帝亦同配 御史中丞知大夫事李嗣真以酷吏縱橫

橫戶
孟翻上疏以為今告事紛紜虛多實少

上時掌翻
少詩治翻

恐有

凶慝陰謀離間陛下君臣

問古
覓翻

古者獄成公卿參聽王

必三宥然後行刑

記王制成獄辭史以獄成告于正正
聽之正以獄成告于大司寇大司寇

聽之于棘木之下大司寇以獄之成告于王王命三
公參聽之三公以獄之成告于王王三宥然後制刑比

日獄官單車奉使推鞠既定法家依斷不令重推

此此至翻

斷丁亂翻重直龍翻

或臨時專決不復聞奏如此則權由臣下非

審慎之法儻有冤濫何由可知況以九品之官專命推

覆操殺生之柄竊人主之威案覆既不在秋官省審復

不由門下

復扶又翻操七刀翻省悉景翻

國之利器輕以假人恐為社

稷之禍太后不聽饒陽尉姚貞亮等數百人表請上

尊號曰上聖大神皇帝不許侍御史來子珣誣尚衣

奉御劉行感兄弟謀反皆坐誅春一月地官尚書武

思文及朝集使二千八百人表請封中嶽

中嶽嵩山
朝直遙翻

己亥廢唐興寧永康隱陵署官

元帝陵曰興寧景帝陵曰永康興寧陵在咸陽

永康陵在三原北十八里唐諸陵有署令一人從五品上府二人史四人主衣四人主輦四人主藥四人典事三人掌固二人又有陵令一人掌唯量置守戶

量音良

左金吾大將軍丘神勣以罪誅

納言史務滋與來俊

臣同鞠劉行感獄俊臣奏務滋與行感親密意欲寢其反狀太后命俊臣并推之務滋恐懼自殺或告文昌

右丞周興與丘神勣通謀太后命來俊臣鞠之俊臣與

興方推事對食謂興曰囚多不承當為何法興曰此甚

易耳

易以
鼓翻

取大甕以炭四周炙之令囚入中何事不承

俊臣乃索大甕火圍如興法

索山
客翻

因起謂興曰有內狀

推兄請兄入此甕興惶恐叩頭伏罪法當死太后原之

二月流興嶺南在道為仇家所殺興與索元禮來俊臣

競為暴刻

索昔
各翻

興元禮所殺各數千人俊臣所破千餘

家元禮殘酷尤甚太后亦殺之以慰人望徙左衛大

將軍千乘王武攸暨為定王

東鑑
證翻

立故太子賢之子

光順為義豐王

考異曰舊傳為安樂王今從唐歷統紀

甲子太后命始

祖墓曰惠陵睿祖墓曰喬陵嚴祖墓曰節陵肅祖墓曰

簡陵烈祖墓曰靖陵顯祖墓曰永陵改章惠陵為昊陵

顯義陵為順陵 追復李君羨官爵

君羨誅見一百九十九卷太宗貞觀

二十二年 夏四月壬寅朔日有食之 癸卯制以釋教開

革命之階

謂大雲經也

升於道教之上

命建安王攸宜留

守長安

守式又翻

丙辰鑄大鍾置北闕

五月以岑長倩

為武威道行軍大總管擊吐蕃中道召還軍竟不出

六月以左肅政大夫格輔元為地官尚書

姓譜格姓允格之後東觀

漢紀有侍御史東平相格班

與鸞臺侍郎樂思晦鳳閣侍郎任知古

並同平章事思晦彥暉之子也

樂彥暉見二百卷高宗顯慶元年

秋

七月徙關內戶數十萬以實洛陽 八月戊申納言武

攸寧罷為左羽林大將軍夏官尚書歐陽通為司禮卿

光宅改太常為司禮

兼判納言事

庚申殺玉鈴衛大將軍張虔

勗來俊臣鞠虔勗獄虔勗自訟於徐有功俊臣怒命衛

士以刀亂斫殺之梟首于市

鈴其廉翻梟堅亮翻

義豐王光順

嗣雍王守禮永安王守義長信縣主等皆賜姓武氏

唐制

嗣王郡王從一品光順兄弟皆章懷太子賢之子嗣祥史翻雍於用翻

與睿宗諸子皆幽

閉宮中不出門庭者十餘年守禮守義光順之弟也

或告地官尚書武思文初與徐敬業通謀甲子流思文

於嶺南復姓徐氏

思文改姓見上卷光宅元年

九月乙亥殺岐州

刺史雲弘嗣來俊臣鞠之不問一歎

獄辭之出於因口者為歎歎誠也言

所吐者皆誠實也

先斷其首乃偽立案奏之

斷尊管翻案考也據也獄辭之成者

曰案言可考據也凡官文書可考據者皆曰案

其殺張虔勗亦然勅旨皆依海

內鉗口

鉗其廉翻

鸞臺侍郎同平章事傅遊藝夢登湛露

殿以語所親

語牛侶翻

所親告之壬辰下獄自殺

下邈嫁翻

癸

己以左羽林衛大將軍建昌王武攸寧為納言洛州司

馬狄仁傑為地官侍郎與冬官侍郎裴行本並同平章

事太后謂仁傑曰卿在汝南甚有善政

謂垂拱四年卿刺豫州時也

欲知諧卿者名乎仁傑謝曰陛下以臣為過臣請改之

知臣無過臣之幸也不願知諧者名太后深歎美之

先是鳳閣舍人修武張嘉福

先悉薦翻修武漢山陽縣地修武古地名也魏隋以

名縣唐屬懷州杜佑曰懷州修武縣本殷寧邑韓詩外傳曰武王伐紂勒兵於寧故曰修武漢山陽縣故城在

北縣西使洛陽人王慶之等數百人上表上時掌翻考異曰御史臺記

作千餘人今從舊傳請立武承嗣為皇太子文昌右相同鸞臺鳳

閣三品岑長倩以皇嗣在東宮不宜有此議嗣祥吏翻相息亮翻

奏請切責上書者告示令散太后又問地官尚書同平

章事格輔元輔元固稱不可由是大忤諸武意令力丁翻忤五

故故斥長倩令西征吐蕃未至徵還下制獄下還承嗣

又譖輔元來俊臣又脅長倩子靈原令引司禮卿兼判

納言事歐陽通等數十人皆云同反通為俊臣所訊五
毒備至終無異詞俊臣乃詐為通款冬十月己酉長倩
輔元通等皆坐誅王慶之見太后見賢遍太后曰皇嗣

我子奈何廢之慶之對曰神不歆非類民不祀非族左傳

晉大夫狐突之言

今誰有天下而以李氏為嗣乎太后諭遣之

慶之伏地以死泣請不去太后乃以印紙遺之曰遺唯

欲見我以此示門者自是慶之屢求見見賢太后頗怒

之命鳳閣侍郎李昭惠賜慶之杖昭惠引出光政門外

洛陽宮城南面三門中曰應天左曰興教右曰光政以示朝士曰此賊欲廢我皇

嗣立武承嗣命撲之

朝直遙翻撲弼角翻

耳目皆血出然後杖殺

之考異曰舊傳云延載初鳳閣舍人張嘉福令洛陽人王慶之率輕薄惡少數百人詣闕上表請立武承

嗣為皇太子則天不許唐歷昭德永昌元年自御史中丞貶振州凌水尉實錄長壽元年始為相舊傳杖殺慶之在為相後按御史臺記昭德自中丞轉鳳閣侍郎蓋暫貶凌水尉尋召還為鳳閣侍郎也杖殺慶之據御史臺記乃是為鳳閣侍郎時非為相後也舊傳或以載初為延載慶之上表或在載初年實錄因岑長倩格輔元之死說及耳今參取實錄

其黨乃散昭惠因言於太后

曰天皇陛下之夫皇嗣陛下之子陛下身有天下當傳

之子孫為萬代業豈得以姪為嗣乎自古未聞姪為天

子而為姑立廟者也

而為子
偽翻

且陛下受天皇顧託若以

天下與承嗣則天皇不血食矣太后亦以為然昭惠乾

祐之子也

李乾祐即貞觀初
救裴仁軌者也

壬辰殺鸞臺侍郎同平

章事樂思晦右衛將軍李安靜安靜網之孫也

李綱以
剛直著

節隋唐之間安靜
可謂無忝厥祖矣

太后將革命王公百官皆上表勸進

安靜獨正色拒之及下制獄來俊臣詰其反狀

上時掌
翻下選

嫁翻詰
去吉翻

安靜曰以我唐家老臣須殺即殺若問謀反實

無可對俊臣竟殺之 太學生王循之上表乞假還鄉

假古訝翻休假也唐國子學生三百人太學生五百人

太后許之狄仁傑曰臣聞

君人者唯殺生之柄不假人自餘皆歸之有司故左右

丞徒以下不句

句音鉤

左右相流以上乃判為其漸貴故

也

相息亮翻為于偽翻下為之普為同

彼學生求假丞簿事耳

唐國子監丞從六品

下掌判監事主簿從七品下

若天子為之發勅則天下之事幾勅可

盡乎必欲不違其願請普為立制而已太后善之

資治通鑑卷二百四

謹案卷二百三第二頁後八行炯古迴翻刊本迴訛迴據韻會改

第十五頁後七行紫色之淺者為黶刊本黶訛慘據正文改

第十七頁後三行至東都一千三百二十五里刊本三百二十五訛一百三十二據舊唐書地理志改

第二十一頁後二行盱眙音吁怡刊本怡訛昭據

集韻改

第二十四頁前五行絕高曰京按爾雅絕高為之
京郭注以人力皆作解為字此曰字似誤

第三十一頁後四行阿史那骨篤祿刊本阿訛那
據突厥傳改

卷二百四第二頁前三行隋廢郡為廣平縣刊本
郡訛魏據隋書地理志改


第二頁前四行改曰永年避太子諱也廣平唐帶

洛州刊本年訛元又脫平字據隋書唐書地理志改增

第十六頁前四行服袞冕刊本袞訛充今改

第十六頁後四行士驥及其妻葬咸陽刊本咸陽訛成揚據正文改

第二十六頁前二行徐文遠見一百八十五卷刊本一訛百據本書高祖紀改



總校官庶吉士臣侍朝

校對官檢討臣龔大萬

謄錄監生臣賈捷三

欽定四庫全書薈要

史部
資治通鑑卷二百五
六

詳校官編修臣汪鏞



欽定四庫全書薈要卷七千一百九十一

史部

資治通鑑卷二百五

宋 司馬光 撰

胡三省 音註

 唐紀二十一

起玄默執徐盡柔
兆君難凡五年

則天順聖皇后中之上

長壽元年

是年四月改元如意九月改元長壽
壽自四月以前猶是天授三年

正月戊辰

朔太后享萬象神宮 臘月立故于闐王尉遲伏閣雄

之子瑕為于闐王

闐徒賢翻尉紆
勿翻閭視遮翻

春一月丁卯太后

引見存撫使所舉人

遺存撫使見上卷天授元年見賢遍翻使疏吏翻

無問賢

愚悉加擢用高者試鳳閣舍人給事中次試員外郎侍

御史補闕拾遺校書郎

唐校書郎正九品上按考異曰統紀天授二年二月十道舉

人石艾縣令王山齡等六十人擢為拾遺補闕懷州錄事參軍霍獻可等二十四人為御史并州錄事參軍徐昕等二十四人為著作佐郎及評事內黃尉崔宣道等二十三人為衛佐疑與此只是一事

試官自

此始時人為之語曰補闕連車載拾遺平斗量

容齋隨筆以為

此語出於張鷟擢推侍御史

擢其俱翻釋名曰齊魯謂四齒杷為擢推吐雷翻

盃脫

校書郎

盃烏管翻坡詩但信積藏終自售豈知盃脫本無模

有舉人沈全交續之

曰糊心存撫使眯目聖神皇

糊戶吳翻麤粘也眯莫禮翻物入日中也老子曰播

日 糠眯

為御史紀先知所禽劾其誹謗朝政請杖之朝堂

然後付法

劾戶堅翻又戶得翻誹數尾翻朝直廷翻

太后笑曰但使卿輩不

濫何恤人言宜釋其罪先知大慙太后雖濫以祿位收

天下人心然不稱職者尋亦黜之或加刑誅挾刑賞之

柄以駕御天下政由己出明察善斷故當時英賢亦競

為之用

稱尺證翻斷丁亂翻

寧陵丞廬江郭霸以諂諛于太后

寧陵

縣屬宋州本戰國時魏之寧城漢高祖改為寧陵縣廬江漢龍舒縣地屬廬江郡梁置湖州隋廢州為廬江縣

屬廬州

考異曰新傳名弘霸舊傳御史臺記皆單名

霸唯統紀延載元年云弘霸僉載云應革命舉蓋正謂

此時也今

拜監察御史

監古街翻

中丞魏元忠病霸往問之

從臺記

因嘗其糞喜曰大夫糞甘則可憂

中丞而呼為大

今苦

無傷也元忠大惡之

惡鳥路翻

遇人輒告之

戊辰以夏官

尚書楊執柔同平章事執柔恭仁弟之孫也太后以外

族用之

太后母楊氏

初隋煬帝作東都

見一百八十卷大業元年

煬羊亮翻

無外城僅有短垣而已至是鳳閣侍郎李昭德始

築之

左臺中丞來俊臣羅告同平章事任知古狄仁

傑裴行本司禮卿崔宣禮前文昌左丞盧獻御史中丞

魏元忠潞州刺史李嗣真謀反

任音士嗣祥吏翻考異曰舊來俊臣傳云地

官尚書狄仁傑益州長史任今暉冬官尚書李遊道秋官尚書袁智弘司賓卿崔基文昌左史盧獻等六人並為羅告李嶠傳云太后使給事中李嶠與大理少卿張德裕侍御史劉憲覆其獄德裕等雖知其枉懼罪並從俊臣所奏嶠曰豈有知其枉濫而不為申明哉孔子曰見義不為無勇也乃與德裕等列其枉狀由是忤旨出為潤州司馬按嶠平生行

先是來俊臣奏請降敕一問

事恐不能如此今不取

即承反者得減死

先悉薦翻

及知古等下獄

下遐嫁翻

俊臣以此

誘之

誘音酉

仁傑對曰大周革命萬物惟新唐室舊臣甘

從誅戮反是實俊臣乃少寬之

少詩治翻下同

判官王德壽謂

仁傑曰

判官俊臣之屬官也

尚書定減死矣德壽業受驅策欲求

少階級煩尚書引楊執柔可乎仁傑曰皇天后土遣狄

仁傑為如此事以頭觸柱血流被面德壽思而謝之

被皮

義翻侯思止鞠魏元忠元忠辭氣不屈思止怒命倒曳之

元忠曰我薄命譬如墜驢足絳於鐙為所曳耳

絳戶掛翻鐙部

鄧翻思止愈怒更曳之元忠曰侯思止汝若須魏元忠頭

則截取何必使承反也狄仁傑既承反有司待報行刑

不復嚴備仁傑裂衾帛書寃狀置綿衣中謂王德壽曰

天時方熱請授家人去其綿德壽許之仁傑子光遠得

書持之告變得呂見

復扶又翻去羌呂翻見賢遍翻

則天覽之以問俊

臣對曰仁傑等下獄臣未嘗褫其巾帶

褫地爾翻

寢處甚安

處呂呂翻

苟無事實安肯承反太后使通事舍人周繼往視

之俊臣暫假仁傑等巾帶羅立於西使繼視之繼不敢

視惟東顧唯諾而已

繼丑林翻唯于癸翻

俊臣又詐為仁傑等謝

死表使繼奏之樂思晦男未十歲沒入司農

思晦亦見上卷上年

上變得召見

上時掌翻見賢遍翻

太后問狀對曰臣父已歿臣家

已破但惜陛下法為俊臣等所弄陛下不信臣言乞擇

朝臣之忠清陛下素所信任者

朝直遙翻

為反狀以付俊臣

無不承反矣太后意稍寤召見仁傑等問曰卿承反何

也對曰不承則已死於拷掠矣

陸德明經典釋文掠音亮

太后曰何

為作謝表對曰無之出表示之乃知其詐於是出此

七族庚午貶知古江夏令仁傑彭澤令宣禮夷陵令元

忠涪陵令獻西鄉令

江夏本漢沙羨縣地屬江夏郡晉改沙羨為沙陽江漢二水會于縣

西春秋謂之夏汭晉宋謂之夏口宋置江夏郡治于此
隋因郡名置江夏縣唐屬鄂州彭澤漢縣屬豫章隋更
名龍城唐復曰彭澤屬江州涪陵縣漢屬巴郡劉蜀置
涪陵郡隋涪陵縣屬渝州唐武德元年分置涪州為州
治所西鄉即漢成固縣地蜀置西鄉縣
後魏為洋州治所夏戶雅翻涪音浮 流行本嗣真于

嶺南俊臣與武承嗣等固請誅之太后不許俊臣乃獨

稱行本罪尤重請誅之秋官郎中徐有功駁之

駁北角翻以

為明主有更生之恩

更工衡翻

俊臣不能將順虧損恩信殿

中侍御史貴鄉霍獻可

後魏分館陶西界置貴鄉縣於趙城周建德七年自趙城東南

移三十里以孔思集寺為縣治所大象二年於縣置魏州

宣禮之甥也言於太后曰

陛下不殺崔宣禮臣請墮命於前以頭觸殿階血流霑

地以示為人臣者不私其親太后皆不聽獻可常以綠

帛裹其傷微露之於幘頭下

續事始曰三代黔首以皂綃裹髮周武帝裁為四脚

各以幘頭馬周請重繫前脚

冀太后見之以為忠 甲戌補闕薛謨

光上疏

上時掌翻

以為選舉之法宜得實才取捨之間風化

所繫今之選人咸稱覓舉奔競相尚諠訴無慙

選宣德翻

至

于才應經邦惟令試策武能制敵止驗彎弧昔漢武帝

見司馬相如賦恨不同時及置之朝廷終文園令

漢司馬相

如為子虛賦武帝讀而善之曰朕獨不得與此人同時
揚得意曰臣邑人司馬相如自言為此賦上召以為郎
後為孝文圖知其不堪公卿之任故也吳起將戰左右
今病免而卒

進劔起曰將者提鼓揮桴臨敵決疑一劔之任非將事

也

將者非將即亮
翻桴方無翻

然則虛文豈足以佐時善射豈足以

克敵要在文吏察其行能武吏觀其勇畧考居官之臧

否

行下孟翻
否音鄙

行舉者賞罰而已來俊臣求金於左衛

大將軍泉獻誠不得誣以謀反下獄乙亥縊殺之

下遐
嫁翻

繼於
計翻

庚辰司刑卿檢校陝州刺史李游道為冬官尚

書同平章事

陟失
丹翻

二月己亥吐蕃党項部落萬餘人

內附

吐從微入聲
党底良翻

分置十州

戊午以秋官尚書袁智

弘同平章事

秋官
刑部

夏四月丙申赦天下改元如意

如意

元年
起此

五月丙寅禁天下屠殺及捕魚蝦江淮旱飢民

不得采魚蝦餓死者甚衆

后禁屠捕而殺人如刈草營
可以人而不如物乎蝦戶加

翻

右拾遺張德生男三日私殺羊會同僚補闕杜肅懷

一餒

餒徒溫翻又弋
應翻徒甘翻

上表告之

上時
掌翻

明日太后對仗謂

德曰聞卿生男甚喜德拜謝太后曰何從得肉德叩頭

服臯太后曰朕禁屠宰吉凶不預然卿自今召客亦須

擇人出肅表示之肅大慙舉朝欲唾其面

朝直遙翻唾吐臥翻

吐蕃酋長曷蘇帥部落請內附以右玉鈴衛將軍張玄

遇為安撫使將精卒二萬迎之六月軍至大渡水西曷

蘇事洩為國人所禽別部酋長咎捶帥羌蠻八千餘人

內附玄遇以其部落置萊川州而還

酋慈由翻長知兩翻帥讀曰宰鈴其

廢翻使疏吏翻將即亮翻又音如字咎子感翻捶此余

翻新書作插黎州都督府所管羈縻州有米川州新書

作葉州還從宣翻又音如字

考異曰唐紀作查插今從實錄

辛亥萬年主簿徐堅

上疏以為書有五聽之道

上時掌翻疏所據翻周禮小司寇以五聲聽獄訟求民情

一曰辭聽觀其所出言不直則煩二曰色聽觀其顏色不直則赧然三曰氣聽不直則喘四曰耳聽觀其聽聆

不直則惑五曰目聽觀其眸子不直則眊然

今著三覆之奏

見一百九十三卷太宗貞觀五

年竊見比有敕推按反者

比毗至翻

令使者得實即行斬決

今力丁翻使疏吏翻

人命至重死不再生萬一懷枉吞聲赤族豈

不痛哉此不足肅姦逆而明典刑適所以長威福而生

疑懼臣望絕此處分

長知兩翻處呂呂翻下處事同分扶問翻

依法覆奏又

法官之任宜加簡擇有用法寬平為百姓所稱者願親

而任之有處事深酷不允人望願踈而退之堅齊肅之

子也

處昌呂翻徐齊肅見二百一卷高宗咸亨元年肅它甘翻

夏官侍郎李昭德

密言於太后曰魏王承嗣權太重

夏官兵部嗣祥吏翻

太后曰吾

姪也故委以腹心昭德曰姪之於姑其親何如子之於

父子猶有篡弑其父者况姪乎今承嗣既陛下之姪為

親王又為宰相

相息亮翻

權侔人主臣恐陛下不得久安天

位也太后矍然曰朕未之思

矍九縛翻

秋七月戊寅以文昌

左相同鳳閣鸞臺三品武承嗣為特進納言武攸寧為

冬官尚書

嗣祥吏翻冬官工部尚辰羊翻

夏官尚書同平章事楊執柔

為地官尚書並罷政事以秋官侍郎新鄭崔元綜為鸞

臺侍郎

秋官刑部新鄭春秋鄭國都鄭武公隨周平王東遷邑於號鄆之間莊公所謂吾先君新邑于此是也漢為新鄭縣屬河南郡晉

魏省隋開皇十六復置屬鄭州

夏官侍郎李昭德為

鳳閣侍郎檢校天官侍郎姚璿為文昌左丞

夏官兵部鳳閣中書

天官吏部改尚書為文昌璿殊六翻

檢校地官侍郎李元素為文昌右丞

與司賓卿崔神基

地官戶部司賓卿即鴻臚卿

並同平章事

考異曰臨昭

德傳舉明德累遷至鳳閣侍郎長壽二年增置夏官侍郎以昭德為之是歲遷鳳閣鸞臺平章事新紀表傳皆

云昭德自夏官侍郎遷鳳閣侍郎同平章事蓋昭德自
鳳閣為夏官自夏官復為鳳閣也妻師德傳長壽元年
增置夏官侍郎今從之崔神 璿思廉之孫姚思廉事隋及唐 元
基實錄作崔基今從新紀表

素敬玄之弟也

李敬玄相高宗

辛巳以營繕大匠王璿為夏官

尚書同平章事

光宅改將作監為營繕監璿似宣翻

承嗣亦毀昭德於太

后太后曰吾任昭德始得安眠此代吾勞汝勿言也是

時酷吏恣橫

橫下孟翻

百官畏之側足昭德獨廷奏其奸太

后好祥瑞

好呼到翻

有獻白石赤文者執政詰其異

詰去吉翻

對

曰以其赤心昭德怒曰此石赤心它石盡反邪

邪音耶

左

右皆笑襄州人胡慶以丹漆書龜腹曰天子萬萬年詣

闕獻之昭德以刀刮盡奏請付法太后曰此心亦無惡

命釋之太后習猫使與鸚鵡共處

處呂翻

出示百官傳觀

未遍猫飢搏鸚鵡食之太后甚慙太后自垂拱以來

任用酷吏先誅唐宗室貴戚數百人次及大臣數百家

其刺史郎將以下不可勝數

將即亮翻勝音升

每除一官戶婢

竊相謂曰

戶婢官婢之直宮中門戶者

鬼朴又來矣不旬月輒遭掩

捕族誅監察御史朝邑嚴善思

後魏分馮翊置澄城郡仍置南五泉縣西魏改

為朝邑縣隋唐屬同州
監古銜翻朝直延翻

公直敢言時告密者不可勝數

勝音升

太后亦厭其煩命善思按問引虛伏辜者八百五

十餘人羅織之黨為之不振

為于偽翻

乃相與搆陷善思坐

流驪州

舊志驪州至京師陸路一萬二千四百五十二里水路一萬七千里至東都一萬一千五百九

十五里水路一萬六千二百二十里宋白曰驪州日南郡堯放驪甕于崇山即此

太后知其枉

尋復召為渾儀監丞

后改司天監為渾儀監丞從七品下復扶又翻渾戶本翻

善思

名譔以字行

譔七免翻

右補闕新鄭朱敬則以太后本任威

刑以禁異議今既革命衆心已定宜省刑尚寬乃上疏

以為李斯相秦用刻薄變詐以屠諸侯不知易之以寬

和卒至土崩此不知變之禍也

事見秦紀上時掌翻相息亮翻卒子恤翻

漢

高祖定天下陸賈叔孫通說之以禮義傳世十二此知

變之善也

說輸芮翻事見漢紀

自文明草昧天地屯蒙

草造也昧蒙也造物

之始始於冥昧言后稱制之初改元文明造始之時也屯者物之始蒙者物之穉言后稱制之初猶天地生物

之始屯涉倫翻

三叔流言四凶構難

三叔指韓霍諸王四凶指徐敬業等難乃旦翻

不

設鈎距無以應天順人不切刑名不可摧奸息暴故置

神器開告端

謂鑄歷以開告密之門也

曲直之影必呈包藏之心盡

露神道助直無罪不除蒼生晏然紫宸易主然而急趨

無善迹

以步趨為諭也

促柱少和聲

以琴瑟為諭也少詩治翻

向時之妙策

乃當今之芻狗也

芻狗祭祀所用既祭則弃之矣

伏願覽秦漢之得失

考時事之合宜審糟粕之可遺

以酒為喻蓋取其醇汁而去其糟粕

覺蘧

廬之須毀

莊子曰蘧廬可以一宿而不可以久處郭象注云蘧廬傳舍也

去萋菲之牙

角

詩云萋菲成是貝錦彼諧人者亦已大甚去羌呂翻

頓紆險之鋒芒窒羅織

之源掃朋黨之迹使天下蒼生坦然大悅豈不樂哉

樂音

洛

太后善之賜帛三百段侍御史周矩上疏曰推効之

吏皆相矜以虐泥耳籠頭枷研契轂

枷研以重枷研其頭契轂以鐵圈轂

其首而加楔契先結翻轂呼角翻

摺膺籤爪

摺與拉同力答翻推也折也膺胃也籤爪以竹籤其

爪甲今鞫獄者十指下籤即其遺虐

懸髮薰耳號曰獄持或累日節食連

宵緩問晝夜搖撼使不得眠號曰宿囚此等既非木石

且救目前苟求賒死

賒遠也言伏法而死較死於獄中為稍賒也

臣竊聽輿

議皆稱天下太平何苦須反豈被告者盡是英雄欲求

帝王邪但不勝楚毒自誣耳

被皮義翻勝音升

願陛下察之今

滿朝側息不安

朝直通翻

皆以為陛下朝與之密夕與之讐言

不可保也周用仁而昌秦用刑而亡願陛下緩刑用仁

天下幸甚太后頗采其言制獄稍哀

考異曰御史臺記云書奏遂授洛

州司功舊薛懷義傳云矩劾奏懷義遷矩天官負外郎竟為懷義所搆下獄免官御史臺記又云時天官選曹無緒較矩監之侍郎李景謀為矩所制乃引為負外不開于吏道自此左出矣據舊傳矩劾奏薛懷義在後若此年出為洛州司功則不當復劾懷義但舊傳矩疏在載初元年二月是時制獄未息今因朱敬則疏終言之

太后春秋雖高善自塗澤雖左右不覺其衰丙戌敕

以齒落更生九月庚子御則天門赦天下改元

至是方改元長

壽自此以後方是長壽元年

更以九月為社

更工衡翻

制於并州置北

都 癸丑同平章事李遊道王璿袁智弘崔神基李元

素春官侍郎孔思元益州長史任令輝皆為王弘義所

陷流嶺南

璿似宣翻長知
兩翻任音壬

左羽林中郎將來子珣坐

事流愛州尋卒

愛州至京師八千八百里東都八
千一百里將即亮翻卒子恤翻

初

新豐王孝傑從劉審禮擊吐蕃為副摠管與審禮皆沒

於吐蕃

新豐縣屬雍州後改昭應劉審禮沒見
二百二卷高宗儀鳳三年吐從賊入聲

贊普見

孝傑泣曰貌類吾父厚禮之後竟得歸累遷右鷹揚衛

將軍

光宅改左右武衛
為左右鷹揚衛

孝傑久在吐蕃知其虛實會西

州都督唐休璟請復取龜茲于闐踈勒碎葉四鎮

復扶
又翻

又音如字龜茲音丘慈又音屈佳闐踈徒賢翻又徒見翻奔四鎮見二百一卷高宗咸亨元年

敕以孝

傑為武威軍總管與武衛大將軍阿史那忠節將兵擊

吐蕃

此時既改武衛為鷹揚衛不應復以舊官名命忠節宜史家仍襲舊官名而書之邪將又音如字

冬十月丙戌大破吐蕃復取四鎮置安西都護府於龜

茲發兵戍之

二年正月壬辰朔太后享萬象神宮以魏王承嗣為亞獻梁王三思為終獻太后自制神宮樂用舞者九百人

戶婢團兒為太后所寵信有憾於皇嗣乃譖皇嗣妃

劉氏德妃竇氏為厭呪

厭於協翻又於琰翻

癸巳妃與德妃朝太

后於嘉豫殿

朝直遙翻

既退同時殺之

臘月癸亥殺皇嗣妃考異曰新本紀云

劉氏德妃竇氏舊傳云正月二日今從之今按德妃竇氏即玄宗母也

瘞於宮中莫知所

在

瘞於計翻

德妃抗之曾孫也

竇抗太穆皇后之從兄

皇嗣畏忤旨不

敢言

忤五故翻

居太后前容止自如團兒復欲害皇嗣有言

其情於太后者太后乃殺團兒

復扶又翻予玄太上竇錄云韋國

考異曰劉

兒諂佞多端天后尤所信任欲私於上而拒焉怨望遂作桐人潜埋於二妃院內譖殺之又矯制按問上今從

則天實錄

是時告密者皆誘人奴婢告其主以求功賞德妃

父孝謹為潤州刺史有奴妄為妖異以恐德妃母龐氏

誘音酉謹氏壬翻妖於喬翻寵皮江翻

龐氏懼奴請夜祠禱解因發其事

下監察御史龍門薛季昶按之

監古銜翻下遐嫁翻

季昶誣奏以

為與德妃同祝詛先涕泣不自勝

祝職救翻勝音升

乃言曰龐

氏所為臣子所不忍道太后擢季昶為給事中龐氏當

斬其子希城

城古咸翻

詣侍御史徐有功訟冤有功牒所司

停刑上奏論之以為無罪季昶奏有功阿黨惡逆請付

法法司處有功罪當絞令史以白有功

侍御史之屬有今史十七人上

時掌翻處

昌呂翻

有功歎曰豈我獨歟諸人永不歟邪既食掩

扇而寢人以為有功苟自強必內憂懼密伺之方熟寢

同相吏翻

太后召有功迎謂曰卿比按獄失出何多對曰失

出人臣之小過好生聖人之大德

誤出人罪謂之失出此至翻好呼到翻

太后默然由是龐氏得減死與其三子皆流嶺南孝諱

貶羅州司馬有功亦除名

考異曰舊有功傳有功為御史坐龐氏除名尋起為左

司郎中實孝諱傳長壽二年龐氏為酷吏所陷御史臺記有功自秋官貶外郎坐龐氏除名為流人月餘授御

史按實錄有功天授初累補司刑丞秋官員外郎稍遷郎中後以公事免萬歲通天元年擢拜殿中侍御史今從之

戊申姚璿奏請令宰相撰時政記

會要璿以為帝王謨訓不可闕

於紀述史官疎遠無因得書請自今以後所論軍國政要宰臣一人撰錄號為時政記

月送史館

從之時政記自此始 臘月丁卯降皇孫成器為壽春

王恒王成義為衡陽王

恒戶登翻

楚王隆基為臨淄王衛王

隆範為巴陵王趙王隆業為彭城王皆睿宗之子也

春一月庚子以夏官侍郎婁師德同平章事師德寬厚

清慎犯而不校與李昭德俱入朝

朝直遙翻

師德體肥行緩

昭德屢待之不至怒罵曰田舍夫師德徐笑曰師德不

為田舍夫誰當為之其弟除代州刺史將行師德謂曰

吾備位宰相汝復為州牧

復扶又翻

榮寵過盛人所疾也將

何以自免弟長跪曰自今雖有人唾某面某拭之而已

庶不為兄憂師德愀然曰

愀七小翻

此所以為吾憂也人唾

汝面怒汝也汝拭之乃逆其意所以重其怒夫唾不拭

自乾

乾音干

當笑而受之

甲寅前尚方監裴匪躬內常

侍范雲仙坐私謁皇嗣腰斬于市

先宅改少府監為尚方監內侍省有內常

侍六人正五品下漢中常侍之職也

考異曰舊來俊

臣傳云按張虔勗范雲仙於洛陽牧院虔勗等不堪其苦自訟於徐有功俊臣命衛士以亂刀斫殺之雲仙亦言歷事先朝稱所司冤苦俊臣命截去其舌士庶膽破無敢言者按張虔勗天授二年被殺雲仙此年生謁皇嗣斬今從實錄自是公卿以下皆

不得見又有告皇嗣潛有異謀者太后命來俊臣鞠其

左右左右不勝楚毒皆欲自誣

勝音升

太常工人京兆安

金藏

時公卿不得見皇嗣唯金藏等工人得在左右

大呼謂俊臣曰公旣不信

金藏之言請剖心以明皇嗣不反即引佩刀自剖其胸

五藏皆出流血被地太后聞之令輦入宮中

呼火故翻藏祖浪翻

被皮義翻
舉羊茹翻

使醫內五藏以桑皮線縫之傳以藥經宿始

蘇太后親臨視之歎曰吾有子不能自明使汝至此即

命俊臣停推

停其獄不復推鞠也

睿宗由是得免

罷舉人習老

子更習太后所造臣軌

更工衡翻習老子見二百二卷高宗上元元年

二月

丙子新羅王政明卒遣使立其子理洪為王

卒子恤翻使疏吏翻

乙亥禁人間錦侍御史侯思止私畜錦李昭德按之

仗殺於朝堂

朝直遙翻

或告嶺南流人謀反太后遣司刑

評事萬國俊攝監察御史就按之

監古銜翻

國俊至廣州悉

召流入矯制賜自盡流人號呼不服

號戶

國俊驅就水

曲盡斬之一朝殺三百餘人然後詐為反狀還奏因言

諸道流人亦必有怨望謀反者不可不早誅太后喜擢

國俊為朝散大夫行侍御史

朝直遙翻散悉宜翻

更遣右翊衛兵

曹叅軍劉光業

按武德四年已改左右翊衛為左右衛疑翊字衍兵曹叅軍掌王府武官宿衛

番第受其名數而大將軍配焉

司刑評事王德壽苑南面監丞鮑思恭

唐京都苑各有四面監監各一人從六品下副監一人從七品下丞一人正八品下各掌所管面苑內宮館園

池與其種植修葺之事丞則掌判監事

尚輦直長王大貞

長知兩翻

右武威衛

兵曹參軍屈貞筠皆攝監察御史詣諸道按流人光業等以國俊多殺蒙賞爭効之光業殺七百人德壽殺五百人自餘少者不減百人其遠年雜犯流人亦與之俱斃太后頗知其濫制六道流人未死者并家屬皆聽還鄉里國俊等亦相繼死或得罪流竄

考異曰實錄曰光業等亦受驚臺

侍郎傳遊藝之旨按天授二年遊藝已死舊遊藝傳曰遊藝請則天發六道使雖身死之後竟從其謀武后本遣萬國俊一使國俊還言諸道流人亦反故更遣五使耳遊藝豈豫知遣六道使此所謂天下之惡皆歸焉者也潘遠紀聞曰補闕李秦授寓直中書進封事曰陛下自登極誅斥李氏及諸大臣其家人親族流放在外以

臣所料且數萬人如一旦同心招集為逆出陛下不意臣恐社稷必危識曰代武者劉夫劉者流也陛下不殺此輩臣恐為禍深焉天后納之夜中召入謂曰卿名秦授天以卿授朕也何啟予心即拜考功負外郎仍知制誥賜朱紱女妓十人金帛稱是與謀發敕使十人於十道安慰流者其實賜墨敕與牧守有流放者殺之天后度流人已死又使使者安撫流人曰吾前發十道使安慰流人何使者不曉吾意擅加殺害深為酷暴其輒殺流人使並所在鎖項將至害流人處斬之以快亡魂諸流人未死或它事繫者無家口放還按當時止誅嶺南一道因萬國俊言更發五道使非併發十道使也十道在近地者何嘗有流人也國俊既以多殺受賞餘使或病死或自以它罪流竄必無并斬之理今並從實錄及舊傳

來俊臣誣冬官尚書

蘇幹云在魏州與琅邪王冲通謀

冲舉兵見上

夏四月

乙未殺之 五月癸丑棣州河溢

棣州後漢樂安郡中廢唐武德四年分滄

州之厭次陽信滴河樂陵置棣州

秋九月丁亥朔日有食之 魏王

承嗣等五千人表請加尊號曰金輪聖神皇帝 乙未

太后御萬象神宮受尊號赦天下作金輪等七寶

七寶一曰

金輪寶曰白象寶曰女寶曰馬寶曰珠寶曰主兵臣寶曰主藏臣寶

每朝會陳之殿庭

朝直

遙翻 庚子追尊昭安皇帝曰渾元昭安皇帝

渾戶本翻

文穆

皇帝曰立極文穆皇帝孝明高皇帝曰無上孝明高皇

帝皇后從帝號

后又追尊其三世

辛丑以文昌左丞同平章

事姚璿為司賓卿罷政事以司賓卿萬年豆盧欽望為

內史

新書宰相世系表豆盧氏本姓慕容氏北地王精降後魏北人謂歸義為豆盧因以為氏

文昌

左丞韋巨源同平章事秋官侍郎吳人陸元方為鸞臺侍郎同平章事巨源孝寬之玄孫也

韋孝寬事宇文氏為名將

延載元年

是年五月改元

正月丙戌太后享萬象神宮突厥

可汗骨篤祿卒其子幼弟默啜自立為可汗臘月甲戌

默啜寇靈州

室韋反

北史曰室韋蓋契丹之類其南者為契丹在北者為室韋新書

室韋契丹別種東胡之北邊蓋丁零苗裔也地據黃龍北傍徂越河直京師東北七千里東黑水靺鞨西突厥

南契丹北瀕海其國無君長惟大酋遣右鷹揚衛大將皆號莫賀咄咄攝其部而附于突厥

軍李多祚擊破之春一月以婁師德為河源等軍檢

校營田大使

使疏吏翻下同

二月武威道摠管王孝傑破吐

蕃敕論贊丕突厥可汗倭子等於冷泉及大嶺

倭子西突厥部

所立也倭吐猥翻弱也大嶺谷名

各三萬餘人碎葉鎮守使韓思忠破

泥熟俟斤等萬餘人

俟渠之翻考異曰此事諸書皆無唯統紀有之統紀又破吐蕃萬泥

勲沒厥城此語不可曉今刪去

庚午以僧懷義為代北道行軍大摠

管

考異曰實錄新紀皆云茂逆道今從舊懷義傳

以討默啜

三月甲申以鳳

閣舍人蘇味道為鳳閣侍郎同平章事李昭德檢校內
史更以僧懷義為朔方道行軍大總管以李昭德為長
史蘇味道為司馬帥契苾明曹仁師沙吒忠義等十八
將軍以討默吸

帥讀曰率下同契欺訖
翻苾毗必翻吒陟加翻

未行虜退而止

昭德嘗與懷義議事失其旨懷義撻之昭德惶懼請罪

夏四月壬戌以夏官尚書武威道大總管王孝傑同

鳳閣鸞臺三品五月魏王承嗣等二萬六千餘人上

尊號曰越古金輪聖神皇帝

上時掌翻

甲午御則天門樓受

尊號赦天下改元 天授中遣監察御史壽春裴懷古

安集西南蠻六月癸丑永昌蠻酋董期帥部落二十餘

萬戶內附

姚州境有永昌蠻居永昌郡地董期新書作董期監古街翻酋慈由翻

河內

有老尼居神都麟趾寺與嵩山人韋什方等以妖妄惑

衆

尼女夷翻妖於喬翻

尼自號淨光如來云能知未然什方自云

吳赤烏年生又有老胡亦自言五百歲云見薛師已二

百年矣

僧懷義本馮小寶也太后使與薛紹通昭穆故老胡謂之薛師

容貌愈少

少詩召翻

太后甚信重之賜什方姓武氏秋七月癸未以什方為

正諫大夫同平章事制云邁軒代之廣成

莊子曰廣成子居崆峒之

上黃帝立於下風而問道廣成子曰吾修身千二百歲矣吾形未嘗衰黃帝名軒轅因曰軒氏

逾漢朝

之河上

葛洪曰河上公者莫知其姓名也漢文帝時結草為庵于河之濱文帝從之問老子河上公曰

余注是經以來千七百餘年朝直達翻

八月什方乞還山制罷遣之戊辰

以王孝傑為瀚海道行軍總管仍受朔方道行軍大總

管薛懷義節度

己巳以司賓少卿姚璿為納言左肅

政中丞原武楊再思為鸞臺侍郎洛州司馬杜景儉為

鳳閣侍郎並同平章事豆盧欽望請京官九品已上輸

兩月俸以贍軍

唐制一品月俸八千食料一千八百雜用一千二百二品月俸六千五百食料

一千五百雜用一千三品月俸五千一百食料一千一百雜用九百四品月俸三千五百食料七百雜用七百

五品月俸三千食料雜用六百六品月俸二千食料雜用四百七品月俸一千七百五十食料雜用三百五十

八品月俸一千三百食料三百雜用二百五十九品月俸一千五十食料二百五十雜用二百行署月俸一百

四十食料三十俸扶用翻贍昌艷翻

轉帖百官令拜表

轉帖者止書一帖使吏以轉示百官

百官但赴拜不知何事拾遺王求禮謂欽望曰明公祿

厚輸之無傷卑官貧迫奈何不使其知而欺奪之乎欽

望正色拒之既上表

上時掌翻

求禮進言曰陛下富有四海

軍國有儲何藉貧官九品之俸而欺奪之姚璩曰求禮
不識大體求禮曰如姚璩為識大體者邪事遂寢 戊

寅鸞臺侍郎同平章事崔元綜坐事流振州 武三思

帥四夷酋長請鑄銅鍬為天樞立於端門之外

端門洛陽皇城

正南

銘紀功德黜唐頌周以姚璩為督作使

使疏吏翻

諸胡

聚錢百萬億買銅鍬不能足賦民間農器以足之 九

月壬午朔日有食之 殿中丞來俊臣坐賊貶同州參

軍王弘義流瓊州

曹魏初置殿中監隋煬帝置少監及丞舊志瓊州至兩京與崖州道里相

類考異曰統紀云萬歲通天元年五月監察御史紀履忠劾奏御史中丞來俊臣犯狀有五請下獄理罪御史臺紀履忠與來俊臣不協具衣冠而彈之不果黜授顏城尉俊臣誅授左領軍衛曹曹新傳云俊臣納賈人金為御史紀履忠所劾下獄當死后忠其上變得不誅免為民按舊傳云俊臣為履忠所告下獄長壽二年除殿中丞又坐賊出為同州參軍萬歲通天元年召為合宮尉統紀云萬歲通天元年紀履忠劾奏誤也王弘義傳云延載元年俊臣貶弘義亦流瓊州是俊臣長壽二年已前坐賊下獄此年又坐賊貶今從舊傳詐稱

敕追還至漢北侍御史胡元禮遇之按驗得其姦狀杖殺之內史李昭德恃太后委遇頗專權使氣人多疾之

前魯王府功曹參軍丘愔上疏攻之

唐諸王府功曹參軍事正七品上掌

文官簿書考課陳設惜于今翻
上時掌翻下長上同疏所據翻

其略曰陛下天授以前

萬機獨斷

斷丁亂翻

自長壽以來委任昭德參奉機密獻可

替否事有便利不預諮謀要待畫日將行

凡制敕皆進畫日而後行

方乃別生駁異

駁比角翻

揚露專擅顯示於人歸美引愆義

不如此

善則稱君過則稱己人臣之義也

又曰臣觀其膽乃大於身鼻

息所衝上拂雲漢又曰蟻穴壤隄針芒寫氣權重一去

收之極難長上果毅鄧注

唐六典長上折衝果毅應宿衛者並一日上兩日下

又

著石論數千言述昭德專權之狀鳳閣舍人逢弘敏取

奏之

達皮江翻

太后由是惡昭德壬寅貶昭德為南賓尉

惡鳥

路翻南賓縣屬欽州本漢合浦縣地隋開皇十八年置南賓縣

尋又免死流竄

太后

出梨花一枝以示宰相宰相皆以為瑞杜景儉獨曰今

艸木黃落而此更發榮陰陽不時咎在臣等因拜謝太

后曰卿真宰相也

相悉亮翻

冬十月壬申以文昌右丞李元

素為鳳閣侍郎左肅政中丞周允元檢校鳳閣侍郎並

同平章事

校古効翻

允元豫州人也

嶺南獠反以容州都

督張元遇為桂永等州經略大使以討之

容州漢合浦縣地隋為合

浦邵之北流縣唐武德四年分置銅州貞觀元年改容州因容山為名豫魯皓翻使疏吏翻

天冊萬歲元年

是年九月改元天冊萬歲

正月辛巳朔太后加號慈

氏越古金輪聖神皇帝赦天下改元證聖周允元與

司刑少卿皇甫文備奏內史豆盧欽望同平章事韋巨

源杜景儉蘇味道陸元方附會李昭德不能匡正欽望

貶趙州

舊志趙州至京師東北一千八百四十二里東都一千三十三里

巨源貶麟州

考異曰舊紀傳新紀表傳皆作鄜州統紀作瀛州實錄唐歷作麟州今從之

景儉貶溱州

貞觀

五年置麟州以處生羌屬松州都督府十六年開山洞置溱州屬黔州都督府舊志溱州至京師三千四百八

十里東都四千二
百里秦側詵翻

味道貶集州元方貶綏州刺史

舊志集州

京師西南一千四百二十五里至東都二千六百里
綏州京師東北一千七百里至東都一千八百一十九里

初明堂既成太后命僧懷義作夾紵大像

紵直呂翻蘇屬今人謂之

紵麻夾紵者以紵布夾縫
為大像後所謂麻主是也

其小指中猶容數十人於明

堂北構天堂以貯之

貯丁呂翻

堂始構為風所摧更構之日

役萬人采木江嶺數年之間所費以萬億計府藏為之

耗竭

藏徂浪翻為于偽翻

懷義用財如糞土太后一聽之無所問

每作無遮會用錢萬緡士女雲集又散錢十車使之爭

拾相蹈踐有死者

踐息
淺翻

所在公私田宅多為僧有懷義

頗厭入宮多居白馬寺所度力士為僧者滿千人侍御

史周矩疑有姦謀固請按之太后曰卿姑退朕即令往

矩至臺懷義亦至乘馬就階而下坦腹於床矩呂吏將

按之遽躍馬而去矩具奏其狀太后曰此道人病風不

足詰所度僧惟卿所處

詰去吉翻
處昌呂翻

悉流遠州遷矩天官

貲外郎乙未作無遮會於明堂鑿地為阬深五丈

深式
浸翻

結綵為宮殿佛像皆於阬中引出之云自地涌出又殺

牛取血畫大像首高二百尺云懷義刺膝血為之

高居傲翻

刺七亦翻

丙申張像於天津橋南設齋侍御醫沈南瑤

唐六典尚

藥局屬殿中省有侍御醫

亦得幸于太后懷義心慍

慍於

四人從六品上瑤音求

問翻是夕密燒天堂延及明堂火照城中如晝比明皆盡

比必利翻

暴風裂血像為數百段太后耻而諱之但云內作

工徒誤燒麻主遂涉明堂時方酺宴左拾遺劉承慶請

輟朝停酺以荅天譴

酺音蒲朝直遙翻

太后將從之姚璆曰晉

成周宣榭卜代愈隆漢武建章盛德彌永

左傳宣十五年夏成周宣

榘大班書曰榘所以藏樂器宣其名也漢武時柏梁臺
災乃大營建章姚璿引二事傳以已說以達君之意

今明堂布政之所非宗廟也不應自貶損太后乃御端

門觀酺如平日命更造明堂天堂仍以懷義充使

使疏吏翻

又鑄銅為九州鼎

神都鼎曰豫州高一丈八尺受千八百石冀州鼎曰武興雍州鼎曰長安

兖州鼎曰日觀青州鼎曰少陽徐州鼎曰車源揚州鼎曰江都荊州鼎曰江陵梁州鼎曰咸都八州鼎高一丈

四尺各受千二百石考異曰舊傳云懷義帥人作號
頭安置之按天冊萬歲元年二月懷義死神功元年九

鼎始成舊傳誤也或
懷義死時方鑄耳

及十二神

十二神子屬鼠丑屬牛寅屬虎卯屬兔辰屬龍

巳屬蛇午屬馬未屬羊申屬猴酉屬鵠戌屬狗亥屬猪

皆高一丈

高古犒翻

各置其方

先是河內老尼晝食一麻一米夜則烹宰宴樂畜弟子

百餘人淫穢靡所不為武什方自言能合長年藥

先悉薦翻

樂音洛畜吁

太后遣乘驛於嶺南采藥及明堂火尼入

玉翻合音閭

唁太后

唁魚媛翻

太后怒叱之曰汝常言能前知何以不言

明堂火因斥還河內弟子及老胡等皆逃散又有發其

姦者太后乃復召尼還麟趾寺弟子畢集敕給使掩捕

盡獲之

復扶入翻唐六典北齊內職有散給使五十人唐因之置內給使無常貲屬宮闈局凡宦人無

官品者稱內給使又有小給使學生五十人

皆沒為官婢什方還至偃師

偃師

縣屬河南府在洛城東六十里

聞事露自絞死庾子以明堂火告廟下

制求直言劉承慶上疏以為火發既從麻主後及總章

所營佛舍恐勞無益請罷之又明堂所以統和天人

統他

綜翻一旦焚毀臣下何心猶為酺宴憂喜相爭傷於情性

又陛下垂制博訪許陳至理而左史張鼎以為今既火

流王屋彌顯大周之祥

武王伐紂既渡河有火至于王屋流為烏馬融曰王屋王所居

屋通事舍人逢敏奏稱彌勒成道時有天魔燒宮七寶

臺須臾散壞

龐莫婆翻考異曰僉載以七寶臺散壞為姚璿之語今從實錄

斯實諂妄

之邪言非君臣之正論伏願陛下乾乾翼翼

易曰君子終日乾乾

夕惕若詩曰小心翼翼

無戾天人之心而興不急之役則兆人蒙

賴福祿無窮獲嘉主簿彭城劉知幾

獲嘉縣本汲縣之新史鄉漢武帝行

幸過此間獲呂嘉因置獲嘉縣屬河內郡後周置修武郡隋置殷州尋廢州為獲嘉縣唐屬懷州彭城縣帶徐

州幾居希翻

表陳四事其一以為皇業權輿

爾雅權輿始也

天地開

闢嗣君即位黎元更始

更工衡翻

時則藉非常之慶以申再

造之恩今六合清晏而赦令不息近則一年再降遠則

每歲無遺至于違法悖禮之徒

悖蒲內翻下同

無賴不仁之輩

編戶則寇攘為業當官則賊賄是求而元日之朝指期

天澤重陽之節佇降皇恩

重直龍翻

如其忖度咸果釋免或

有名垂結正罪將斷決

度徒洛翻斷丁亂翻

竊行貨賄方便規求

故致稽延畢霑寬宥用使俗多頑悖時罕廉隅為善者

不預恩光作惡者獨承徽幸

徽古堯翻

古語曰小人之幸君

子之不幸

太宗亦嘗引是言

斯之謂也望陛下而今而後頗節

於赦使黎氓知禁姦宄肅清其二以為海內具僚九品

以上每歲逢赦必賜階勛

唐制文散階二十九武散階亦二十九勳級十有二轉

至于朝野宴集公私聚會緋服衆於青衣

上元敕四品服深緋五品

服淺緋九品服深
青朝直遙翻下同

象板多於木笏

唐制五品已上笏用
象九品以上用木

皆榮非德舉位罕才升不知何者為妍蚩何者為美惡
臣望自今以後稍息私恩使有善者逾効忠勤無才者

咸知勉勵其三以為陛下臨朝踐極取士大廣六品以

下職事清官遂乃方之土芥比之沙礫

礫音歷

若遂不加

沙汰臣恐有穢皇風其四以為今之牧伯遷代太速倏
來忽往蓬轉萍流旣懷苟且之謀何暇循良之政望自

今刺史非三歲以上不可遷官仍明察功過尤甄賞罰

疏奏太后頗嘉之

甄稽延翻別是時官爵易得而法網

嚴峻

易以鼓翻

故人競為趨進而多陷刑戮知幾乃著思慎

賦以刺時見志焉 丙午以王孝傑為朔方道行軍摠

管擊突厥 春二月己酉朔日有食之 僧懷義益驕

恣太后惡之

惡烏路翻

既焚明堂心不自安言多不順太后

密選宮人有力者百餘人以防之壬子執之於瑤光殿

前樹下使建昌王武攸寧帥壯士毆殺之

帥讀曰率毆烏口翻考

異曰舊傳云又有發其陰謀者太平公主乳母張夫人
令壯士縛而縊殺之送尸白馬寺其侍者僧徒皆流竄
遠惡處李商隱宣都內人傳云武后篡既久頗放縱耽
內習不敬宗廟四方日有叛逆防豫不暇時宣都內人
以唾壺進思有以諫者后坐帷下倚檀几與語問四方
事宜內人曰大家知女卑於男邪后曰知內人曰古有
女媧亦不正是天子位伏羲理九州耳後世孃姥有越
出房閤斷天下事皆不得其正多是輔昏主不然抱小
兒獨大家改夫姓改去釵釧襲服冠冕符瑞日至大臣
不敢動真天子也然今內之弄臣狎人朝夕進御者久
未屏去妾疑此未當天意后曰何內人曰女陰也男陽
也陽尊而陰卑雖大家以陰事主天然宜體取剛亢明
烈以銷群陽陽銷然後陰得志也今狎弄日至處大家
失宮尊位其勢陰求陽也陽勝而陰亦微不可久也大
家始今日能屏去男妾獨立天下則陽之剛亢明烈可
有矣如是過萬萬世男子益削女子益專妾之願在此

后雖不能盡用然即日下令誅作明堂者此蓋文士寓言今從實錄

送尸白馬寺焚之以

造塔

甲子太后去慈氏越古之號

去羌呂翻

三月丙辰

鳳閣侍郎同平章事周允元薨

夏四月天樞成

天樞其制

若柱高一百五尺

高古犒翻

徑十二尺八面各徑五尺下為鐵

山周百七十尺以銅為蟠龍麒麟縈繞之上為騰雲承

露盤徑三丈四龍人立捧火珠高一丈工人毛婆羅造

模武三思為文刻百官及四夷酋長名

高古犒翻酋慈由翻長知兩翻

太后自書其榜曰大周萬國頌德天樞 秋七月辛酉

吐蕃寇臨洮

臨洮州洮土刀翻

以王孝傑為肅邊道行軍大總

管以討之

九月甲寅太后合祭天地於南郊加號天

冊金輪大聖皇帝赦天下改元

改元天冊萬歲

冬十月突厥

默啜遣使請降

使疏吏翻降戶江翻

太后喜冊授左衛大將軍歸

國公

萬歲通天元年

是年九月始改元

臘月甲戌太后發神都甲申

封神嶽

后以嵩山為神嶽作甲申按去歲下制云臘月十六日有事于神

考異曰統紀作壬午實錄

嶽長歷是月甲戌朔壬午九日甲申十一日皆非十六日今從實錄赦天下改元萬歲登

封天下百姓無出今年租稅大酺九日

酺音蒲

丁亥禪于

少室

戴延之曰嵩山三十六峯東曰太室西曰少室相去十七里嵩其摠名也謂之室以其下各有石室

焉少室高八百六十丈方十里與太室相埒但小耳

己丑御朝觀壇受賀

朝直

癸

己還宮甲午謁太廟

右千牛衛將軍安平王武攸緒

少有志行恬澹寡欲扈從封中嶽還

少詩治翻行下孟翻從才用翻

即

求弃官隱於嵩山之陽太后疑其詐許之以觀其所為

攸緒遂優游巖壑冬居茅椒

茅椒編之為室性暖可以禦寒

夏居石室

一如山林之士太后所賜及王公所遺野服器玩

遺才季翻

攸緒一皆置之不用塵埃凝積買田使奴耕種與民無

異

考異曰舊傳云聖歷中
弃官隱嵩山今從實錄

春一月甲寅以婁師德

為肅邊道行軍副總管擊吐蕃已已以師德為左肅政

大夫知政事如故

考異曰實錄云己已秋官尚書婁
師德為肅政御史大夫知政事如故

舊傳云萬歲登封元年轉左肅政御史大夫仍依舊知
政事證聖元年吐蕃寇洮州今師德與夏官尚書王孝
傑討之按證聖年號在登封前此傳尤為謬誤新傳云
師德為河源積石懷遠軍及河蘭鄯廓州檢校營田大
使入遷秋官尚書改左肅政御史大夫並知政事證聖
中與王孝傑拒吐蕃於洮州今據實錄延載元年一月
自宰相出為營田大使新書宰相表長壽二年師德平
章事延載元年出軍營田大使萬歲通天元年一月甲

寅師德為左肅政御史大夫肅邊道行軍總管統紀云
秋官尚書知政事妻師德充副總管討吐蕃蓋師德之
出為營田大使不解宰相
之職也今從實錄新本紀
改長安崇尊廟為太廟

崇尊

廟見上卷
天授元年

二月辛巳尊神嶽天中王為神嶽天中黃

帝靈妃為天中黃后啓為齊聖皇帝封啓母神為玉京

太后

夏后啓母
石在嵩山

三月壬寅王孝傑妻師德與吐蕃將

論欽陵贊婆戰於素羅汗山

據妻師德傳素羅汗山
在洮州界將即亮翻

唐兵大敗孝傑坐免為庶人師德貶原州貲外司馬

考

異曰新紀四月庚子貶師德而無免孝傑日新表三月
壬寅孝傑免按實錄三月壬寅撫州火下言孝傑敗蓋

皆據奏到之日耳二人同罪貶必同時不容隔月不知
果在何日今但依實錄因其軍敗終言貶官之事而已

師德因署移牒驚曰官爵盡無邪旣而曰亦善亦善不

復介意

復扶
又翻

丁巳新明堂成高二百九十四尺方三

百尺規模率小於舊上施金塗鐵鳳高二丈

高古
犒翻

後為

大風所損更為銅火珠羣龍捧之

更工
衡翻

號曰通天宮赦

天下改元萬歲通天大食請獻師子姚璘上疏以為

師子專食肉遠道傳致

傳知
總翻

肉旣難得極為勞費陛下

鷹犬不蓄漁獵悉停豈容菲薄於身而厚給於獸乃却

之 以檢校夏官侍郎孫元亨同平章事 夏五月壬

子營州契丹松漠都督李盡忠歸誠州刺史孫萬榮舉

兵反攻陷營州

開元十道志曰舜築柳城即虞舜已前已有柳城之地因有營州之稱郡國志

云當營室分故曰營州後漢末遼西烏丸蹋頓所居後魏於平州界置遼西郡周平齊猶為高寶寧所據隋討

平寶寧始置營州松漠都督府及殺都督趙文翹

契丹歸誠州太宗以內屬契丹部落置

又音喫 翻 呼會翹

盡忠萬榮之妹夫也皆居於營州城側文歲

剛愎契丹飢不加賑給視酋長如奴僕故二人怨而反

愎弱力 翻 賑津忍 翻 首慈由 翻 長知兩 翻

乙丑遣左鷹揚衛將軍曹仁師右

金吾衛大將軍張玄遇左威衛大將軍李多祚司農少

卿麻仁節等二十八將討之

八將即亮翻

秋七月辛亥以春

官尚書梁王武三思為榆關道安撫大使

榆關在勝州界與突厥接

非所以備契丹也營州城西四百八十里有榆關守捉城所謂臨渝之險也榆當作渝史於此以後多以渝作

榆讀者宜詳姚璿副之以備契丹改李盡忠為李盡滅考使疏吏翻

孫萬榮為孫萬斬

武后改突厥骨咄祿為不卒祿又改李盡忠為李盡滅孫萬榮為孫萬斬

此事何異王莽所為顧有成敗之異耳

盡忠尋自稱無上可汗據營州

可從

刊入聲汗音寒

以萬榮為前鋒略地所向皆下旬日兵至數萬

進圍檀州

檀州本漢漁陽郡蹏奚縣地舊置安州後周改為立州隋開皇十六年置檀州

清邊

前軍副摠管張九節擊却之八月丁酉曹仁師張玄遇

麻仁節與契丹戰于破石谷

平州有西破石東破石二戍

唐兵大敗

先是契丹破營州

先悉薦翻

獲唐俘數百囚之地牢聞唐兵

將至使守牢雷紹之曰

使雷守唐俘於地牢故曰守牢雷雷而立翻紹為亥翻

吾

輩家屬飢寒不能自存唯俟官軍至即降耳

降戶江翻下同既

而契丹引出其俘飼以糠粥慰勞之曰

飼祥吏翻勞力到翻

吾養

汝則無食殺汝又不忍今縱汝去遂釋之俘至幽州具

言其狀諸軍聞之爭欲先入至黃麋谷

據舊書黃麋谷在西碛石虜

又遣老弱迎降故遺老牛瘦馬於道側仁師等三軍弃

步卒將騎兵先進契丹設伏橫擊之飛索以縋玄遇仁

節生獲之

將即亮翻騎奇寄翻索昔各翻字書無縋字今讀與榻同德盍翻或曰吐合翻

將卒

死者填山谷鮮有脫者

鮮息淺翻

契丹得軍印詐為牒令玄

遇等署之牒摠管燕匪石宗懷昌等云官軍已破賊若

至營州軍將皆斬兵不叙勲

燕因肩翻將即亮翻

匪石等得牒盡

夜兼行不遑寢食以赴之士馬疲弊契丹伏兵於中道

邀之全軍皆沒九月制天下繫囚及庶士家奴驍勇者

官償其直發以擊契丹

驍堅
堯翻

初令山東近邊諸州置武

騎團兵以同州刺史建安王武攸宜為右武威衛大將

軍充清邊道行軍大總管以討契丹右拾遺陳子昂為

攸宜府參謀

以本官參謀軍
事不列為品秩

上疏曰恩制免天下罪人

及募諸色奴充兵討擊契丹此乃捷急之計非天子之

兵且比來刑獄久清罪人全少

比此至翻
少詩治翻

奴多怯弱不

慣征行

慣古
患翻

縱其募集未足可用況今天下忠臣義士

萬分未用其一契丹小孽

孽魚列翻

假命待誅何勞免罪贖

奴損國大體臣恐此策不可威示天下 丁巳突厥寇

涼州執都督許欽明

考異曰實錄云吐蕃寇涼州都督許欽明為賊所殺按明年正月

默啜寇霸州以欽明自隨又默啜將襲孫萬榮殺欽明以祭天實錄云吐蕃誤也

欽明紹之曾

孫也

許紹預凌煙閣二十四功臣之列

時出按部突厥數萬奄至城下

欽明拒戰為所虜欽明兄欽寂時為龍山軍討擊副使

與契丹戰於崇州

龍山即慕容氏和龍之山也崇州奚州也武德五年分饒樂都督府之可

汗部置貞觀三年徙治營州之廢陽師鎮

軍敗被擒虜將圍安東令欽寂說

其屬城未下者

說輸芮翻

安東都護裴玄珪在城中

高宗總章元年

置安東都護府於平壤城上元元年徙遼東郡故城儀鳳二年又徙新城開元二年徙平州天寶二年徙遼西故郡城疑此時已徙平州宋白曰營州東南二百七十里有保定軍舊安東都護府欽寂謂曰狂

賊天殃滅在朝夕公但勵兵謹守以全忠節虜殺之

吐蕃復遣使請和親

復扶又翻

太后遣右武衛曹參軍貴

鄉郭元振往察其宜

曹參軍掌兵械公解興造罰贖大朝會行從則受黃質甲鎧弓矢

於衛尉

吐蕃將論欽陵請罷安西四鎮戍兵并求分十姓

突厥之地

長壽元年置四鎮戍兵十姓突厥五吐陸五弩失畢也

元振曰四鎮十

姓與吐蕃種類本殊

種章勇翻

今請罷唐兵豈非有兼并之

志乎欽陵曰吐蕃苟貪土地欲為邊患則東侵甘涼豈

肯規利於萬里之外邪乃遣使者隨元振入請之朝廷

疑未決元振上疏

使疏吏翻朝直遙翻上時掌翻

以為欽陵求罷兵割

地此乃利害之機誠不可輕舉措也今若直拒其善意

則為邊患必深四鎮之利遠甘涼之害近不可不深圖

也宜以計緩之使其和望未絕則善矣彼四鎮十姓吐

蕃之所甚欲也而青海吐谷渾亦國家之要地也

吐從暇入

聲谷
音浴

今報之宜曰四鎮十姓之地本無用於中國所以

遣兵戍之欲以鎮撫西域分吐蕃之勢使不得併力東

侵也今若果無東侵之志當歸我吐谷渾諸部及青海

故地

吐谷渾地沒吐蕃見二百二卷高宗咸亨三年薛仁貴敗於大非州青海亦沒

則五侯斤

部亦當以歸吐蕃

西突厥五弩失畢部各有酋長曰五侯斤侯渠之翻

如此則足

以塞欽陵之口

塞悉則翻

而亦未與之絕也若欽陵小有乖

違則曲在彼矣且四鎮十姓款附日久今未察其情之

向背事之利害

背蒲妹翻

遙割而弃之恐傷諸國之心非所

以御四夷也太後從之

考異曰御史臺記論欽陵必欲得四鎮及益州通市乃和親

朝廷不許制書至河源納言婁師德患之曰制書到彼必入寇奈何監察御史南陽張彥先時按河源積石諸軍謂師德曰但稽制書虜必狐疑吾乃先為之備虜至必不捷矣師德從之欽陵入寇果無功由是得罪於其國按師德延載元年一月日同平章事充河源積石懷遠等軍營田大使萬歲通天元年一月為肅邊道行軍總管與王孝傑同擊吐蕃敗於素羅汗山尋貶原州司馬是歲吐蕃復求和欽陵請割四鎮之地神功元年正月師德復同平章事九月乃守納言御史臺記誤也元振又上言吐蕃百姓疲於

徭戍早願和親欽陵利於統兵專制獨不欲歸款若國

家歲發和親使

使疏吏翻

而欽陵常不從命則彼國之人怨

欽陵日深望國恩日甚設欲大舉其徒固亦難矣斯亦

離間之漸

問古
范翻

可使其上下猜阻禍亂內興矣太后深

然之元振名震以字行 庚申以并州長史王方慶為

鸞臺侍郎與殿中監萬年李道廣並同平章事 突厥

默吸請為太后子并為其女求昏悉歸河西降戶帥其

部衆為國討契丹

并為衆為並于
偽翻帥讀曰率

太后遣豹韜衛大將

軍閻知微

龍朔改左右屯衛為左右武威
衛光宅又改為左右豹韜衛

左衛郎將攝

司賓卿田歸道冊授默吸左衛大將軍遷善可汗知微

立德之孫歸道仁會之子也

閻立德以巧思稱
田仁會良吏也

冬十月

辛卯契丹李盡忠卒孫萬榮代領其衆突厥默啜乘間

襲松漠虜盡忠萬榮妻子而去

卒子恤翻
間古覓翻

太后進拜默

啜為頡跌利施大單于立功報國可汗

頡戶結翻跌徒
結翻單音蟬

孫萬榮收合餘衆軍執復振

復扶
又翻

遣別帥駱務整何阿

小為前鋒

帥所類翻
阿烏葛翻

攻陷冀州殺刺史陸寶積屠吏民

數千人又攻瀛州河北震動制起彭澤令狄仁傑

長壽
元年

仁傑
貶

為魏州刺史前刺史獨孤思莊畏契丹猝至悉驅

百姓入城繕修守備仁傑至悉遣還農曰賊猶在遠何煩如是萬一賊來吾自當之百姓大悅時契丹入寇軍書填委夏官郎中硤石姚元崇剖析如流皆有條理後魏

太和十一年於峭陵置峭縣屬恒農郡隋并入熊耳縣屬河南郡唐武德元年復置貞觀十四年移治硤石焉因更名太后竒之擢為夏官侍郎 太后思徐有功用硤石

法平

長壽二年有功除名

擢拜左臺殿中侍御史聞者無不相賀

鹿城主簿宗城潘好禮

鹿城漢安定侯國時縣西七里故城是也周齊為安定縣隋改

為鹿城縣唐屬冀州唐制上縣主簿正九品下中下縣從九品上好呼到翻

著論稱有功蹈

道依仁固守誠節不以貴賤死生易其操履設客問曰
徐公於今誰與為比主人曰四海至廣人物至多或匿
迹韜光僕不敢誣若所聞見則一人而已當於古人中
求之客曰何如張釋之主人曰釋之所行者甚易徐公
所行者甚難難易之間優劣見矣

易以政翻下不
易同見賢遍翻

張公

逢漢文之時天下無事至如盜高廟玉環及渭橋驚馬
守法而已

事見十四卷
漢文帝三年

豈不易哉徐公逢革命之秋屬

惟新之運

屬之
欲翻

唐朝遺老或已藏禍心使人主有疑

直朝

通如周興來俊臣乃堯年之四凶也崇飾惡言以誣盛

德而徐公守死善道深相明白幾陷囹圄數挂網羅

幾居

希翻因盡丁翻囹

此吾子所聞豈不難哉

考異曰朝野僉載云時

魚巨翻數所角翻

來俊臣羅織人罪皆先進狀救依即奏籍沒徐有功出死因亦先進狀某人罪合免救依然後斷雪有功好出罪皆先奉進止非是自專蓋時人見俊臣所誅有功所雪往往得其所欲疑以為先進狀耳若有功一一先奉進止何至三陷

死刑乎今不取

客曰使為司刑卿乃得展其才矣主人

曰吾子徒見徐公用法平允謂可置司刑僕覩其人方寸之地何所不容若其用之何事不可豈直司刑而已

哉

資治通鑑卷二百五

欽定四庫全書薈要卷七千一百九十二

史部

資治通鑑卷二百六

宋 司馬光 撰

胡三省 音註

唐紀二十二

起強圉作噩盡上章因
敦六月凡三年有奇

則天順聖皇后中之下

神功元年

時以契丹破滅九鼎就成
以九月大享改元為神功

正月己亥朔太后

享通天宮

突厥默啜寇靈州以許欽明白隨

欽明為
默啜所

禽見上卷三
年厥九勿翻

欽明至城下大呼求美醬梁米及墨

記勝
之曰

梁是秫粟陶宏景曰凡曰梁米皆是粟類惟其牙頭色異為分別耳有青黃白三種青梁味短色惡不如黃白

梁呼大故翻

意欲城中選良將引精兵夜襲虜營

將即亮翻

而城

中無諭其意者

箕州刺史劉思禮學相人於術士張

憬藏憬藏謂思禮當厯箕州位至太師思禮念太師人臣極

貴非佐命無以致之乃與洛州錄事參軍綦連耀謀反

相悉亮翻下相術同憬居永翻唐京都錄事參軍正七品綦連虜姓也魏收官氏志西方諸姓有綦連氏陰

結朝士

朝直遙翻

託相術許人富貴俟其意悅因說以綦連

耀有天命

說翰芮翻

公必因之以得富貴鳳閣舍人王勣善

天官侍郎事

勅其據翻

用思禮為箕州刺史明堂尉吉頊聞

其謀以告合宮尉來俊臣

高宗總章元年分西京萬年縣為明堂縣永昌元年改東

都河南縣為合宮縣宋白曰明堂縣理京兆城中永樂坊

使上變告之

上時掌翻下同

太后

使河內王武懿宗推之懿宗令思禮廣引朝士許免其

死凡小忤意皆引之

忤五故翻

於是思禮引鳳閣侍郎同平

章事李元素夏官侍郎同平章事孫元亨知天官侍郎

事石抱忠劉奇給事中周譔

譔補過翻

及王勳兄涇州刺史

勔弟監察御史助等

勔彌克翻監古街翻

凡三十六家皆海內名

士窮楚毒以成其獄壬戌皆族誅之親黨連坐流竄者

千餘人初懿宗寬思禮於外使誣引諸人諸人既誅然

後收思禮思禮悔之懿宗自天授以來太后數使之鞠

獄喜誣陷人

數所角翻
喜許記翻

時人以為周來之亞來俊臣欲

擅其功復羅告吉頊

復扶又翻下
是復宗復同

頊上變得召見僅免

見賢
遍翻

俊臣由是復用而頊亦以此得進俊臣黨人羅告

司刑府史樊基謀反誅之

唐制大理寺有府二十八人
史五十六人基渠記翻

基

子訟寃於朝堂

朝直
遙翻

無敢理者乃援刀自剗其腹

援于
元翻

秋官侍郎上邽劉如璿見之

上邽縣漢屬隴西郡古邽戎邑也後漢屬漢陽郡後

魏諱珪改名上封屬天水郡隋後唐屬秦州璿似宣翻

竊歎而泣俊臣奏如璿黨

惡逆下獄處以絞刑

下邽嫁翻處昌呂翻

制流瀼州尚乘奉御

張易之行成之族孫也

張行成事太宗

年少美姿容善音律

少詩

治翻太平公主薦易之弟昌宗入侍禁中昌宗復薦易之

兄弟皆得幸於太后常傳朱粉衣錦繡昌宗累遷散騎

常侍

散悉宜翻騎奇寄翻

易之為司衛少卿

龍朔改衛尉為司衛光宅因之

拜其

母臧氏韋氏為太夫人賞賜不可勝紀

勝音升

仍勅鳳閣

侍郎李迥秀為臧氏私夫迥秀大亮之族孫也

李大亮歷事高

祖太宗

武承嗣三思懿宗宗楚客晉卿皆候易之門庭爭

執鞭轡謂易之為五郎昌宗為六郎 癸亥突厥默啜

寇勝州平狄軍副使安道買擊破之

代州北有大武軍調露元年改曰神

武軍天授二年改曰平狄軍使疏吏翻

甲子以原州司馬婁師德守鳳

閣侍郎同平章事 春三月戊申清邊道總管王孝傑

蘇宏暉等將兵十七萬與孫萬榮戰于東硤石谷唐兵

大敗孝傑死之孝傑遇契丹帥精兵為前鋒

將即亮翻帥讀曰率

力戰契丹引退

契欺訖翻
又音契

孝傑追之行背懸崖

背蒲
妹翻契

丹回兵薄之

薄音伯
各翻

宏暉先遁孝傑墜崖死將士死七

殆盡

考異曰朝野僉載云孝傑將四十萬衆被賊誘
退過就懸崖漸漸挨排一一落澗坑深萬丈尸與

崖平匹馬無歸單兵莫返張
驚語事多過其實今不盡取

管記洛陽張說馳奏其事

太后贈孝傑官爵遣使斬宏暉以徇使者未至宏暉以

立功得免

說讀曰悅使
疏吏翻下同

武攸宜軍漁陽

漁陽秦右北平
郡所治也隋為

漁陽縣屬幽州在幽
州東二百一十里

聞孝傑等敗沒軍中震恐不敢進

契丹乘勝寇幽州攻陷城邑剽掠吏民攸宜遣將擊之

不克

劉匹妙翻
將卽亮翻

閻知微田歸道同使突厥冊默吸為

可汗

可從刊入
聲汗音寒

知微中道遇突厥使者輒與之緋袍銀

帶且上言虜使至都宜大為供張

上時掌翻下同供
他用翻張知亮翻

歸

道上言突厥背誕積年方今悔過宜待聖恩寬宥今知

微擅與之袍帶使朝廷無以復加

背蒲妹翻朝直遙
翻下同復扶又翻

宜

令反初服以俟朝恩

令力丁翻初服突
厥遣來所被之服

又小虜使臣不

足大為供張太后然之知微見默吸舞蹈吮其靴鼻

吮如

充歸道長揖不拜默吸因歸道將殺之歸道辭色不撓

責其無厭

撓奴教翻
厭於監翻

為陳禍福

為干偽翻

阿波達干元珍曰

突厥官二十八等自設至達干
皆世其官此即阿史德元珍

大國使者不可殺也默

吸怒稍解但拘留不遣初咸亨中突厥有降者皆處之

豐勝靈夏朔代六州至是默吸求六州降戶及單于都

護府之地并穀種繒帛農器鐵

降戶江翻處昌呂翻夏
戶雅翻單音蟬種章勇

翻繒慈
陵翻

太后不許默吸怒言辭悖慢

悖蒲內翻
又蒲沒翻

姚璿楊

再思以契丹未平請依默吸所求給之麟臺少監知鳳

閣侍郎贊皇李嶠曰

麟臺少監即秘書少監贊皇縣南
置屬趙州取贊皇山以為名少詩

治 戎狄貪而無信此所謂借寇兵資盜糧也

秦李斯之言

不

如治兵以備之

治直之翻

璫再思固請與之乃悉驅六州降

戶數千帳以與默啜并給穀種四萬斛雜綵五萬段農

器三千事鐵四萬斤并許其昏默啜由是益彊田歸道

始得還與閻知微爭論於太后前歸道以為默啜必負

約不可恃和親宜為之備知微以為和親必可保

考異曰

舊歸道傳云聖歷初默啜請和遣閻知微丹為立功報國可汗知微擅與使者緹袍歸道上言不可及默啜將至單于都護府乃令歸道攝同賓卿迎勞之默啜請六胡州不許遂拘繫歸道突厥傳云李盡忠孫萬榮陷營

府默吸請為國討契丹許之默吸部衆漸盛則天遣使
冊為立功報國可汗朝野僉載云歸道為知微副見默
吸不拜默吸倒懸待殺之元珍諫乃赦之按神功元年
姚璿左遷益州長史則與之穀帛必在此前非聖歷初
也實錄萬歲通天元年九月丁卯以默吸不同契丹之
逆遣圖知微冊為遷善可汗則於時未為立功報國可
汗也冊拜此號實錄無之不知的在何時今因契丹未
平姚璿未出附見于此歸道在朝為左衛郎將何得預
論默吸蓋在道見知微所為而上所
言耳其事則兼采諸書可信者存之

夏四月鑄九鼎

成徙置通天宮豫州鼎高丈八尺受千八百石餘州高

丈四尺受千二百石

豫州鼎獨高大神都盛也高古犒翻

各圖山川物產

於其上共用銅五十六萬七百餘斤太后欲以黃金千

兩塗之姚璹曰九鼎神器貴於天質自然且臣觀其五

采煥炳相雜不待金色以為炫耀

炫煥
綃翻

太后從之自玄

武門曳入令宰相諸王帥南北牙宿衛兵十餘萬人并

仗內大牛白象共曳之

帥讀
曰率

前益州長史王及善已

致仕會契丹作亂山東不安起為滑州刺史太后召見

見賢
通翻

問以朝廷得失及善陳治亂之要十餘條

治直
吏翻

太

后曰外州末事此為根本卿不可出癸酉留為內史

癸未以右金吾衛大將軍武懿宗為神兵道行軍大摠

管與右豹韜衛將軍何迦密將兵擊契丹

迦古牙翻又居伽翻將即

亮翻

五月癸卯又以婁師德為清邊道副大總管右武威

衛將軍沙吒忠義為前軍總管

沙吒虜姓吒初加翻

將兵二十萬

擊契丹先是有朱前疑者

先悉薦翻

上書云臣夢陛下壽滿

八百即拜拾遺又自言夢陛下髮白再玄齒落更生還

駕部郎中

唐駕部郎掌邦國輿輦車乘傳驛廐牧官司馬牛雜畜簿籍辯其出入司其名數上時掌

翻下同

出使還上書曰聞嵩山呼萬歲賜以緋筭袋

唐初職事

官三品以上賜金裝刀礪石一品以下則有手巾筭袋開元以後百官朔望朝參外官衙日則佩筭袋各隨其

所服之色餘日
則否使疏吏翻

時未五品於綠衫上佩之會發兵討契

丹敕京官出馬一匹供軍酌以五品前疑買馬輸之屢

抗表求進階太后惡其貪鄙

惡烏路翻

六月乙丑敕還其馬

斥歸田里右司郎中馮翊喬知之有美妾曰碧玉知

之為之不昏

為于偽翻

武承嗣借以教諸姬遂留不還知之

作綠珠怨以寄之

晉石崇有愛妾曰綠珠事見
八十三卷晉惠帝永康二年

碧玉赴

井次承嗣得詩於裙帶大怒諷酷吏羅告族之

考異
曰唐歷

天授元年十月誅喬知之新本紀八月壬戌殺右司郎
中喬知之盧藏用陳氏別傳趙儋陳子昂旌德碑皆云

契丹以營州叛建安郡王武攸宜親撫戎律特詔右補
闕喬知之及公參謀韓幕及軍罷以父年老表乞歸侍
攸宜討契丹在萬歲通天元年明年平契丹子昂集有
西還至散關答喬補闕詩云昔君事戎馬余得秦戎旃
攜手同沙塞聞河緬幽燕歎此南歸日猶聞北戍邊疑
知之之必在神功年後但唐歷統紀新紀殺知之皆在
天授元年今據子昂詩必無誤者然猶聞北戍邊則軍
未罷也又武后云來俊臣死後不聞有反者故置於此
據朝野僉載知之以婢碧玉事為武承嗣諷人羅告之
斬於市南破家籍沒此時知之在邊蓋承嗣先銜之至
此乃殺之耳

司僕少卿來俊臣

先宅改太僕為司僕

倚執貪淫士民妻

妾有美者百方取之或使人羅告其辜矯稱敕以取其

妻前後羅織誅人不可勝計

勝音升

自宰相以下籍其姓

名而取之

考異曰朝野僉載云俊臣嘗以三月三日

拔石逼擊倒者則先令告至
暮拔李昭德不中令不取

自言才比石勒監察御史

李昭德素惡俊臣

惡鳥路翻

又嘗庭辱秋官侍郎皇甫文備

二人共誣昭德謀反下獄

下避嫁翻下
不下乃下同

俊臣欲羅告武

氏諸王及太平公主又欲誣皇嗣及廬陵王與南北牙

同反冀因此盜國權河東人衛遂忠告之諸武及太平

公主恐懼共發其罪繫獄有司處以極刑

處昌呂翻

太后欲

赦之奏上三日不出

上時掌翻

王及善曰俊臣以狡貪暴國

之元惡不去之必動搖朝廷

去羌呂翻
朝直達翻

太后遊苑中吉

頊執轡太后問以外事對曰外人唯怪來俊臣奏不下

太后曰俊臣有功於國朕方思之頊曰于安遠告虺貞

反旣而果反

貞事見上卷
垂拱四年

今止為成州司馬俊臣聚結

不逞誣構良善賊賄如山冤魂塞路

塞悉
則翻

國之賊也何

足惜哉太后乃下其奏丁卯昭德俊臣同弃市時人無

不痛昭德而快俊臣仇家爭噉俊臣之肉斯須而盡抉

眼剝面披腹出心騰踊成泥

噉徒濫翻
又徒
覽翻抉於決翻

太后知天

下惡之乃下制數其罪惡

惡烏路翻
數所具翻

且曰宜加赤族之

誅以雪蒼生之憤可準法籍沒其家士民皆相賀於路

曰自今眠者背始帖席矣俊臣以告綦連耀功賞奴婢

十人俊臣問司農婢無可者

唐六典司農丞掌凡官戶
奴婢男女成人先以本色

婉偶若給賜許其妻子相隨若犯籍沒
以其所能各配諸司婦人巧者入掖庭以西突厥可汗

斛瑟羅家有細婢善歌舞欲得以為賞口乃使人誣告

斛瑟羅反諸酋長詣闕割耳劓面訟寃者數千人

酋慈
由翻

長知兩翻
劓里之翻

會俊臣誅乃得免俊臣方用事選司受其屬

請不次除官者每銓數百人俊臣敗侍郎皆自首

選須
翻

屬之欲翻
首式人翻

太后責之對曰臣負陛下死罪臣亂國家法

辜止一身違俊臣語立見滅族太后乃赦之上林令侯

敏

唐司農之屬有上林署令從七品下掌苑園池之
事凡植果樹蔬以供朝會祭祀及季冬藏冰皆主之

素諂事俊臣其妻董氏諫之曰俊臣國賊指日將敗君

宜遠之

遠于
翻

敏從之俊臣怒出為武龍令

武龍縣屬田
州間蠻洞置

舊書作武龍云失廢置年月又浩
州自武龍縣武德二年分浩陵置

敏欲不往妻曰速去

勿留俊臣敗其黨皆流嶺南敏獨得免太后徵于安遠

為尚食奉御擢吉頊為右肅政中丞以檢校夏官侍

郎宗楚客同平章事武懿宗軍至趙州聞契丹將駱

務整數千騎將至冀州

將即亮翻下同奇奇翻下同

懿宗懼欲南遁

或曰虜無輜重

重直用翻

以抄掠為資

抄楚交翻

若按兵拒守執

必離散從而擊之可有大功懿宗不從退據相州

相亮翻

委弃軍資器仗甚衆契丹遂屠趙州甲午孫萬榮為奴

所殺萬榮之破王孝傑也於柳城西北四百里依險築

城留其老弱婦女所獲器仗資財使妹夫乙寃羽守之

引精兵寇幽州恐突厥默啜襲其後遣五人至黑沙語

默啜曰

黑沙突厥庭語牛倨翻

我已破王孝傑百萬之衆唐人破

膽請與可汗乘勝共取幽州三人先至默啜喜賜以緋

袍二人後至默啜怒其稽緩將殺之二人曰請一言而

死默啜問其故二人以契丹之情告默啜乃殺前三人

而賜二人緋使為鄉導

鄉讀曰嚮

發兵取契丹新城殺所獲

涼州都督許欽明以祭天圍新城三日克之

新城即前契丹所築

在柳城西北者

盡俘以歸使乙寃羽馳報萬榮時萬榮方與唐

兵相持軍中聞之恐懼

怯許勇翻

奚人叛萬榮神兵道摠管

楊玄基擊其前奚兵擊其後獲其將何阿小萬榮軍大

潰

阿烏葛翻考異曰朝野僉載突厥破萬榮新城群賊聞之失色衆皆潰散不云為玄基所破實錄但云為

玄基及奚所破不云突厥取新城要之契丹聞新帥輕城破衆心已離唐與奚人擊之遂潰耳今兩存之

騎數千東走

帥讀口率

前軍摠管張九節遣兵邀之於道萬

榮窮蹙與其奴逃至潞水東

鮑丘水從塞外來南過幽州潞縣謂之潞水

息

於林下歎曰今欲歸唐罪已大歸突厥亦死歸新羅亦

死將安之乎奴斬其首以降

降戶江翻下同

梟之四方館門

漢有

蒙衛蠻夷邸後魏置諸國使邸其後又作四館以處四方來降者事見一百四十九卷梁武帝普通元年至隋煬帝置四方館於建國門外以待四方使客各掌其方國及互市事屬鴻臚寺唐以四方館隸中書省通事舍人主之象

堅克翻

其餘衆及奚雷皆降於突厥

雷而
立翻

戊子特

進武承嗣春官尚書武三思並同鳳閣鸞臺三品 辛

卯制以契丹初平命河內王武懿宗婁師德及魏州刺

史狄仁傑分道安撫河北懿宗所至殘酷民有為契丹

所脇從復來歸者

復扶
又翻

懿宗皆以為反生剗取其膽先

是何阿小嗜殺人

先悉
薦翻

河北人為之語曰唯此兩何殺

人最多

武懿宗封河內王與何阿小為兩何

秋七月丁酉昆明內附置

賓州 武承嗣武三思並罷政事 庚午武攸宜自幽

州凱旋武懿宗奏河北百姓從賊者請盡族之左拾遺

王求禮庭折之曰

折之古翻

此屬素無武備力不勝賊苟從

之以求生豈有叛國之心懿宗擁彊兵數十萬望風退

走賊徒滋蔓又欲委罪於草野誑誤之人

蔓音萬誑戶卦翻

為

臣不忠請先斬懿宗以謝河北懿宗不能對司刑卿杜

景險亦奏此皆脅從之人請悉原之太后從之 八月

丙戌納言姚璿坐事左遷益州長史以太子宮尹豆盧

欽望為文昌右相鳳閣鸞臺三品

天授中改太子詹事為太子宮尹鳳閣之

上當有同字

考異曰新表

庾子狄仁傑燕納言武三

思檢校內史欽望為文昌右相同三品舊紀傳及新紀

皆無之此月無庾子仁傑三

思除命在明年新表誤重複

九月壬辰大享通天宮

大赦改元

改元神功

庚戌婁師德守納言

甲寅太后謂

侍臣曰頃者周興來俊臣按獄多連引朝臣

朝直通翻

云其

謀反國有常法朕安敢違中間疑其不實使近臣就獄

引問得其手狀皆自承服朕不以為疑自興俊臣死不

復聞有反者

復扶又翻下
無復后復同

然則前死者不有冤邪夏官

侍郎姚元崇對曰自垂拱以來坐謀反死者率皆興等

羅織自以為功陛下使近臣問之近臣亦不自保何敢

動搖所問者若有翻覆懼遭慘毒不若速死賴天啓聖

心興等伏誅臣以百口為陛下保自今內外之臣無復

反者

為于偽翻
下多為同

若微有實狀臣請受知而不告之罪太

后悅曰鄉時宰相皆順成其事陷朕為淫刑之主聞卿

所言深合朕心賜元崇錢千緡時人多為魏元忠訟冤

者太后復召為肅政中丞元忠前後坐弃市流竄者四

考異曰舊傳云三被流今從御史臺記按新書元忠為洛陽令陷周興獄當以平楊楚功得流歲餘為來俊臣所構將就刑太后使王隱客宣詔赦之此為二事通鑑書王隱客宣赦事於永昌元年至長壽元年又下獄貶此為三事及後長安三年又貶高要尉此為四事未知御史臺記所書如何也嘗侍宴太后

問曰卿往者數負謫何也

數所角翻

對曰臣猶鹿耳羅織之

徒欲得臣肉為羹臣安所避之冬閏十月甲寅以幽

州都督狄仁傑為鸞臺侍郎司刑卿杜景儉為鳳閣侍

郎並同平章事仁傑上疏

上時掌翻

以為天生四夷皆在先

王封略之外故東距滄海西阻流沙北橫大漠南阻五
嶺此天所以限夷狄而隔中外也自典籍所紀聲教所
及三代不能至者國家盡蕪之矣詩人矜薄伐於太原

美化行於江漢

詩六月宣王北伐也其詩云薄伐玁狁
至于太原又廣漢之詩美文王之德被

于南國美化行
于江漢之域

則三代之遠裔皆國家之域中也若乃

用武方外邀功絕域竭府庫之實以爭不毛之地得其
人不足增賦獲其土不可耕織苟求冠帶遠夷之稱

冠古

玩翻稱
尺證翻

不務固本安人之術此秦皇漢武之所行非五

帝三王之事業也始皇窮兵極武務求廣地死者如麻

致天下潰叛

事見秦紀

漢武征伐四夷百姓困窮盜賊蜂起

末年悔悟息兵罷役故能為天所祐

事見漢武帝紀

近者國家

頻歲出師所費滋廣西戍四鎮東戍安東調發日加

徒調

鈞

百姓虛弊今關東飢饉蜀漢逃亡江淮已南徵求不

息人不復業相率為盜本根一搖憂患不淺其所以然

者皆以爭蠻貊不毛之地乖子養蒼生之道也

百貊

昔

漢元納賈捐之之謀而罷朱崖郡

事見二十八卷初元二年

宣帝用

魏相之策而弃車師之田

事見二十五卷元康二年

豈不欲慕尚虛

名蓋憚勞人力也近貞觀中克平九姓立李思摩為可

汗使統諸部者

見一百九十卷貞觀十三年

蓋以夷狄叛則伐之降

則撫之得推亡固存之義

書仲虺之誥曰推亡固存邦乃其昌推吐雷翻

無遠

戍勞人之役此近日之令典經邊之故事也竊謂宜立

阿史那斛瑟羅為可汗委之四鎮繼高氏絕國

謂高麗也

使

守安東省軍費於遠方并甲兵於塞上使夷狄無侵侮

之患則可矣何必窮其窟穴與螻蟻校長短哉但當救

邊兵謹守備遠斥候聚資糧待其自致然後擊之以逸
待勞則戰士力倍以主禦客則我得其便堅壁清野則
寇無所得自然二賊深入則有顛躓之慮淺入必無寇
獲之益如此數年可使二虜不擊而服矣

二賊二虜皆謂突厥吐蕃

事雖不行識者是之 鳳閣舍人李嶠知天官選事

選須

絹翻始置負外官數千人 先是歷官以是月為正月以

臘月為閏

先悉薦翻

太后欲正月甲子朔冬至乃下制以為

去晦仍見月有喪天經

去晦謂前月晦也

可以今月為閏月來

月為正月

聖歷元年正月甲子朔冬至太后享通天宮

考異曰實錄云正

月壬戌享通天宮按長歷此年一月壬戌朔實錄誤也今從唐歷統紀新本紀

赦天下改元

夏官侍郎宗楚客罷政事

春二月乙未文昌右相同

鳳閣鸞臺三品豆盧欽望罷為太子賓客

武承嗣三

思營求為太子數使人說太后曰自古天子未有以異

姓為嗣者太后意未決狄仁傑每從容言於太后曰文

皇帝櫛風沐雨親冒鋒鏑以定天下傳之子孫

數所角翻說翰

芮翻從千容翻
太宗謚文皇帝

大帝以二子託陛下

高宗謚天皇大帝
二子謂廬陵王及

皇嗣也

陛下今乃欲移之他族無乃非天意乎且姑姪之

與母子孰親

太后之於承嗣三思姑姪也於廬陵王皇嗣母子也

陛下立子則千

秋萬歲後配食太廟承繼無窮立姪則未聞姪為天子

而祔姑於廟者也太后曰此朕家事卿勿預知仁傑曰

王者以四海為家四海之內孰非臣妾何者不為陛下

家事君為元首臣為股肱義同一體况臣備位宰相豈

得不預知乎又勸太后召還廬陵王

廬陵王光宅元年
還均州垂拱元年

遷房州

王方慶王及善亦勸之太后意稍寤它日又謂仁

傑曰朕夢大鸚鵡兩翼皆折何也

折而設翻

對曰武者陛下

之姓兩翼二子也陛下起二子則兩翼振矣太后由是

無立承嗣三思之意孫萬榮之圍幽州也移檄朝廷曰

何不歸我廬陵王吉頊與張易之昌宗皆為控鶴監供

奉

是年置拱鶴監以處近侍

易之兄弟親狎之頊從容說二人曰公

兄弟貴寵如此非以德業取之也天下側目切齒多矣

不有大功於天下何以自全竊為公憂之

為于偽翻下屢為復為同

二人懼流涕問計項曰天下士庶未忘唐德咸復思廬

陵王

復扶
入翻

主上春秋高大業須有所付武氏諸王非所

屬意

屬之
欲翻

公何不從容勸上立廬陵王以繫蒼生之望

如此非徒免禍亦可以長保富貴矣二人以為然承間

屢為太后言之

間古
覓翻

太后知謀出於項乃召問之項復

為太后具陳利害太后意乃定

考異曰世有狄梁公
傳云李邕撰其辭鄙誕

殆非邕所為其言曰后納諸武之議將移宗社擬立武

三思為儲副遷廬陵於房陵諸武陰計日夜獻謀曰陛

下姓武合立武氏未有天子而取別姓將為後者也天

后既已許禮問群臣曰朕年齒將衰國無儲主今欲擇

善誰可當之朕雖得人終在群議諸宰臣多聞計定言
皆希旨仁傑獨立無一言天后問曰卿獨無言當有異
見公曰有之臣上觀乾象無易主之文中察人心實未
厭唐德天后曰卿何以知之公曰頃者匈奴犯邊陛下
使梁王三思於都市召募一月之外不滿千人後廬陵
王踵之未經二旬數盈五萬以此觀之人心未去陛下
將欲繼統非廬陵王餘實非臣所知天后震怒命左右
扶而去之按廬陵王為河北元帥在立為太子後且當
是時睿宗為皇嗣若仁傑請以廬陵王繼統則是勸太
后廢立也此固未可信或者仁傑以廬陵母子至親而
幽囚房陵勸召還左右則有之矣談賓錄曰聖歷二年
臘月張易之兄弟貴寵逾分懼不全請計於天官侍郎
吉頊頊曰公兄弟承恩深矣非有大功於天下自古罕
有全者唯一策苟能行之豈止全家亦當享茅土之
封耳除此之外非頊所謀易之兄弟泣請之頊曰天下
思唐德久矣主上春秋高武氏諸王殊非所屬意公何

不從容請立廬陵以繫生人之望易之乃乘間屢言之則天意乃易既知頊首謀乃召問頊頊曰廬陵相王皆陛下之子高宗切託於陛下唯陛下裁之則天意乃定御史臺記曰則天置控鶴府頊與易之昌宗同於府供奉與昌宗親狎昌宗自以貴寵踰分懼不全問計於頊頊云云如談賓錄蓋太后寵信諸武誅鉏李氏雖已子廬陵亦廢徙房陵故仁傑勸召還左右以強李氏抑諸武耳張吉之能為唐社稷謀也欲求己利耳若仍立皇嗣則已有何功故勸太后立廬陵為太子而太后從之然則欲召還廬陵者仁傑之志也立為太子張吉之謀也談賓言聖歷二年及以頊為天官侍郎臺記謂睿宗為相王則皆誤也新狄仁傑傳云張易之嘗從容問自安計仁傑曰唯勸迎廬陵王可以免禍計仁傑亦安肯與易之深言此事狄梁公傳又云後經旬召公入曰朕昨夜夢與人雙陸頻不見勝何也對曰雙陸不勝蓋為宮中無子此是上天之意假此以示陛下安可久虛儲

位哉天后曰是朕家事斷在胸中卿豈合預焉仁傑對曰臣聞王者以天下為家四海之內悉為臣妾何者不為陛下家事君為元首臣為股肱臣安得不預焉又命扶出竟不納按於時皇嗣在宮中不得言無子及久虛儲位也朝野僉載云則天曾夢一鸚鵡羽毛甚偉兩翅俱折以問宰臣群公默然內史狄仁傑曰鸚鵡者陛下姓也兩翅折者陛下二子廬陵相王也陛下起此二子兩翅全也魏王承嗣武三思連項皆赤後契丹圍幽州檄朝廷曰還我廬陵相王來則天乃憶狄公之言謂之曰卿曾為我占夢今乃應矣朕欲立太子何者為得仁傑曰陛下內有賢子外有賢姪取捨詳擇斷在宸衷則天曰我自育聖子承嗣三思是何疥癬承嗣等懼掩耳而走即降敕追廬陵河內王等奏不許入城龍門安置賊徒轉盛陷沒冀州則天急乃立廬陵王為太子充元帥初募兵無有應者聞太子行北邙山頭兵滿無容人處賊自退散按是時睿宗未為相王又仁傑若言內有賢

子外有賢姪乃是懷兩端也
今採衆說之可信者存之

三月己巳託言廬陵王有

疾遣職方員外郎瑕丘徐彥伯

瑕丘故春秋魯之瑕邑
晉宋置兗州於此隋開

皇十三年置瑕
丘縣帶兗州

召廬陵王及其妃諸子詣行在療疾戊

子廬陵王至神都

考異曰統紀云癸丑遣職方員外
郎徐彥伯往房州召廬陵王男女入

都醫療狄梁公傳曰後潛發內人十人至房州宣敕云
我兒在此今內人就看州縣長吏仰數出數人無令混
雜陰令內人一人以代廬陵王今廬陵王衣內人衣服
以舊數還州縣不悟數日達京朝廷百僚一無知者舊
傳曰廬陵王自房陵還宮太后置之帳中又召狄仁傑
以廬陵為言仁傑慷慨敷奏言發涕流遽出廬陵謂仁
傑曰還卿諸君仁傑降階泣賀既已奏曰太子還宮人
無知者物議安審是非則天以為然乃復置中宗於龍

門具禮迎歸人情感悅狄梁公傳曰天后御一小殿垂簾於後左右隱蔽外不能知乃命公坐於階下曰前者所議事實非小寤寐反覆思卿所言彌覺理非甚乖朕意忠臣事主豈在多違今日之間須易前見以天下之位任卿一言可朕意即兩全逆朕心即俱斃公從容言曰陛下所言天子之位可得專之以臣所知是太宗文武皇帝之位陛下豈得而自有也太宗身陷鋒鏑經綸四海所以不告勞者蓋為子孫豈為武三思邪陛下身是大帝皇后大帝寢疾權使陛下監國大帝崩後合歸冢嫡陛下遂奄有神器十有餘年今議續承豈可更易且姑與母孰親子與姪孰近云云太后於是歔歔流涕命左右褰簾手撫公背大叫曰卿非朕之臣是唐社稷之臣回謂廬陵王曰拜國老今日國老與爾天子公免冠頓首涕血灑地左右扶策久不能起天后曰即具所言宣付中外擇日禮冊公揮涕而言曰自古以來豈有偷人作天子廬陵王留在房州天下所悉知今日在內

臣亦不知臣欲奉詔若同衛太子之變陛下何以明臣
天后曰安可却向房陵只於石像驛安置具法駕陳百
僚就迎之於是大呼萬歲儲位乃定按武后若密召廬
陵王宮人十人既知其謀洛陽至房陵往來道路甚遠
豈得外人都不知乎又實錄豈能搆虛立徐彥伯往迎
之事及有廬陵王至自房州之日又於時若儲位已定
豈可自三月來九月始立為太子蓋廬陵既至太后以
長幼之次欲立之皇嗣亦以此遜位故遷延半載今皆
取實錄

為正

夏四月庚寅朔太后祀太廟 辛丑以婁師

德充隴右諸軍大使仍檢校營田事

使疏吏翻

六月甲午

命淮陽王武延秀入突厥納默啜女為妃豹韜衛大將
軍閻知微攝春官尚書右武衛郎將楊齊莊攝司賓卿

考異曰實錄作楊鸞莊今從僉載舊傳

齎金帛巨億以送之延秀承嗣之

子也鳳閣舍人襄陽張柬之諫曰自古未有中國親王

娶夷狄女者由是忤旨

忤五故翻

出為合州刺史

襄陽縣漢屬南郡獻

帝建安十三年置襄陽郡晉為荊州治所宋齊梁為雍

州西魏為褒州合州漢墊江縣地南齊置東宕渠郡西

魏改墊江郡置石鏡縣尋置合州隋改涪州唐復為合

州舊志合州京師南二千四百五十里至東都三千三

百里秋七月鳳閣侍郎同平章事杜景儉罷為秋官尚

書八月戊子武延秀至黑沙南庭突厥默啜謂問知

微等曰我欲以女嫁李氏安用武氏兒邪此豈天子之

子乎我突厥世受李氏恩聞李氏盡滅唯兩兒在我今

將兵輔立之

將即亮翻

乃拘延秀於別所以知微為南面可

汗言欲使之主唐民也遂發兵襲靜難平狄清夷等軍

垂拱中置清夷軍於媯州界杜佑曰在城內南去范陽二百十里難乃旦翻

靜難軍使慕容

玄則以兵五千降之

使疏吏翻前士力翻降戶江翻

虜執大振進寇媯

檀等州

媯居為翻

前從閭知微入突厥者默啜皆賜之五品

三品之服太后悉奪之默啜移書數朝廷曰

數所具翻

與我

蒸穀種種之不生一也金銀器皆行濫非真物二也

穀種

章勇翻行戶剛翻市列為行市列造金銀器販賣率穀
它物以求贏俗謂之行作溫惡也開元八年頒租庸調
法於天下好不過精惡不
過溫溫者惡之極者也 我與使者緋紫皆奪之三也

繒帛皆踈惡四也我可汗女當嫁天子兒武氏小姓門

戶不敵罔冒為昏五也我為此起兵欲取河北耳

偽為于翻

監察御史裴懷古從閭知微入突厥默啜欲官之不受

囚將殺之逃歸抵晉陽形容羸悴

監古街翻羸倫為翻悴秦醉翻

突騎

譟聚以為間諜欲取其首以求功有果毅嘗為人所枉
懷古按直之大呼曰裴御史也救之得全至都引見遷

祠部員外郎

間古莧翻謀達協翻呼火故翻見賢通翻唐祠部郎掌祠祀享祭天文漏刻國忌廟

諱卜筮醫藥僧尼之事屬禮部

時諸州聞突厥入寇方秋爭發民修城

衛州刺史太平敬暉

後魏分漢臨汾縣地置太平縣隋唐屬絳州

謂僚屬曰

吾聞金湯非粟不守奈何捨收穫而事城郭乎悉罷之

使歸田百姓大悅

甲午鸞臺侍郎同平章事王方慶

罷為麟臺監

太子太保魏宣王武承嗣恨不得為太

子意怏怏戍戍病薨

怏於兩翻

庚子以春官尚書武三思檢

校內史狄仁傑兼納言太后命宰相各舉尚書郎一人

仁傑舉其子司府丞光嗣

光宅改大府曰司府

拜地官貲外郎已

而稱職太后喜曰卿足繼祁奚矣

左傳晉中軍尉祁奚請老晉侯問嗣焉稱

解狐其讎也將立之而卒又問之曰午也可於是以前

午為中軍尉君子謂祁奚能舉其善矣稱其讎不為

立其子不為

比稱尺證翻通事舍人河南元行冲

唐六典曰通事舍人即秦之謁者晉

武帝省謁者僕射置舍人通事各一人隸中書東晉今

舍人通事兼謁者之任通事舍人之名始此也唐通事

舍人十六人掌朝見引納及辭謝者於殿庭通奏凡近

臣文武就列則引以進退而告其拜起出入之節凡四

方通表華夷納

博學多通仁傑重之行冲數規諫仁傑

貢皆受而進之

且曰凡為家者必有儲蓄脯醢以適口參朮以攻疾

數所

角翻參所今
翻人參也

僕竊計明公之門珍味多矣行冲請備藥

物之末仁傑笑曰吾藥籠中物何可一日無也

籠力董翻

行

冲名澹以字行

以司屬卿武重規為天兵中道大摠

管

光宅改宗正為司屬緣此
後置天兵軍於并州城中

右武衛將軍沙吒忠義為

天兵西道摠管

吒初加翻

幽州都督下邳張仁愿為天兵東

道摠管

秦武公伐邾置下邳縣隴西有上邳故此加
下字漢屬京北晉屬馮翊後魏置延壽郡隋廢

郡以下邳屬同州
垂拱元年屬華州

將兵三十萬以討突厥默啜

將即亮翻

又

以左羽林衛大將軍閻敬容為天兵西道後軍摠管將

兵十五萬為後援癸丑默啜寇飛狐

漢代郡廣昌縣有飛狐口隋改廣昌

為飛狐縣屬易

州唐屬蔚州

乙卯陷定州殺刺史孫彥高及吏民數

千人

考異曰朝野僉載曰文昌左丞孫彥高無它識用性惟頑愚出為定州刺史歲餘默啜賊至圍其

郭部彥高却環宅門不敢詣聽事文按須微發者於小

牕內接入通判仍簡郭下精健自援其家賊既乘城四

面並入彥高乃謂奴曰牢關門戶莫與鑰匙其愚怯也

皆此類俄而陷沒刺史之宅先殲焉又曰彥高被突厥

圍城數重彥高乃入匿中藏今奴曰牢掌

鑰匙賊來索慎勿與恐不至此今不取

九月甲子

以夏官尚書武攸寧同鳳閣鸞臺三品改默啜為斬

吸默啜使閭知微招諭趙州知微與虜連手蹋萬歲樂

於城下將軍陳令英在城上謂曰尚書位任非輕乃為

虜蹋歌獨無慙乎

為于偽翻蹋歌者連手而歌蹋地以為節萬歲樂歌曲之名樂音洛

知

微微吟曰不得已萬歲樂戊辰默吸圍趙州長史唐般

若翻城應之

長知兩翻般北末翻若人者翻

刺史高叡與妻秦氏仰藥

詐死虜輿之詣默吸默吸以金獅子帶紫袍示之曰降

則拜官不降則死

降戶江翻

叡顧其妻妻曰酹報國恩正在

今日遂俱閉目不言經再宿虜知不可屈乃殺之虜退

唐般若族誅贈叡冬官尚書謚曰節叡頰之孫也

冬官工部

尚辰羊翻謚神至
翻高頴隋初佐命

皇嗣固請遜位於廬陵王太后許

之壬申立廬陵王哲為皇太子復名顯

嗣祥吏翻復扶
又翻又音如字

赦天下甲戌命太子為河北道元帥以討突厥

行軍元帥起於

周隋至唐唯親王及太子為元帥帥所類翻

考異曰

實錄云丙子據唐厯甲戌皇太子顯充河北道行軍大

元帥狄梁公傳亦云皇太子為元帥以公為
副是先立為太子後為元帥也今從新本紀
先是募人

月餘不滿千人

先悉薦翻

及聞太子為元帥應募者雲集未

幾數盈五萬

幾居
豈翻

戊寅以狄仁傑為河北道行軍副元

帥右丞宋元爽為長史右臺中丞崔獻為司馬左臺中

丞吉頊為監軍使

后分御史臺為左右肅政臺各置中丞侍御史等官頊吁王翻監古衙翻

使疏吏翻

時太子不行命仁傑知元帥事太后親送之藍田

令薛訥仁貴之子也

藍田畿縣屬雍州薛仁貴健將也事太宗高宗

太后擢為

左威衛將軍安東道經略將行言於太后曰太子雖立

外議猶疑未定苟此命不易醜虜不足平也太后深然

之王及善請太子赴外朝以慰人心從之

朝直遙翻考異曰實錄辛

己皇太子朝見或作廟見蓋睿宗為皇嗣時止於宮中朝謁不出外朝今及善始請太子與群臣俱於外庭朝

耳謁

以天官侍郎蘇味道為鳳閣侍郎同平章事味道

前後在相位數歲依阿取容嘗謂人曰處事不宜明白

但摸稜持兩端可矣時人謂之蘇摸稜

天官吏部相悉亮翻處昌呂翻

摸音

癸未突厥默啜盡殺所掠趙定等州男女萬餘

莫

人自五回道去

厥九勿翻啜叱列翻水經注代郡廣昌縣東南有大嶺世謂之廣昌嶺嶺高四十

十餘里二十里中委折五回方得達其上嶺故嶺有五回之名時屬易州易縣界至開元二十三年分易縣置

五回縣於五回山下

所過殺掠不可勝紀沙吒忠義等但引兵躡

之不敢逼

勝音升吒初加翻躡泥輒翻考異曰舊突厥傳云默啜盡寇掠趙定等州男女八九萬人

統紀云河北積年豐熟人畜被野斬啜虜趙定恒易等州財帛億萬子女羊馬而去何朔諸州怖其兵威不敢

追躡今從實錄

狄仁傑將兵十萬追之無所及

將即亮翻又音如字

默啜

還漠北擁兵四十萬據地萬里西北部落皆附之甚有

輕中國之心 冬十月制都下屯兵命河內王武懿宗

九江王武攸歸領之 癸卯以狄仁傑為河北道安撫

大使時北人為突厥所驅逼者虜退懼誅往往亡匿仁

傑上疏以為朝廷議者皆罪契丹突厥所脅從之人言

其迹雖不同心則無別

使疏吏翻上時掌翻別彼列翻

誠以山東近緣

軍機調發傷重

調徒吊翻

家道悉破或至逃亡重以官典侵

漁

重以直
用翻

因事而起枷杖之下痛切肌膚事迫情危不

循禮義愁苦之地不樂其生有利則歸且圖賒死此乃

君子之愧辱小人之常行也

樂音洛行
下孟翻

又諸城入偽

偽入

謂降賊者

或待天兵將士求功皆云攻得臣憂濫賞亦恐非

辜

以攻取之賞賞將士則為濫賞
以從虜之罪罪士民則為非辜

以經與賊同是為惡

地至於汚辱妻子

汚烏
故翻

刼掠貨財兵士信知不仁簪笏

未能以免

簪笏謂士大夫
當官而行者也

乃是賊平之後為惡更深且

賊務招攜秋毫無犯

言除賊務在招撫攜
貳秋毫無所侵犯也

今之歸正即

是平人翻被破傷豈不悲痛

被皮義翻

夫人猶水也壅之則

為泉疏之則為川通塞隨流

塞悉則翻

豈有常性今負罪之

伍必不在家露宿草行潛竄山澤赦之則出不赦則狂

山東羣盜緣茲聚結臣以邊塵暫起不足為憂

暫與暫同

中

土不安此為大事罪之則衆情恐懼怨之則反側自安

伏願曲赦河北諸州一無所問制從之仁傑于是撫慰

百姓得突厥所驅掠者悉遍還本貫散糧運以賑貧乏

修郵驛以濟旋師恐諸將及使者妄求供頓乃自食疏

糲

郵音尤將即亮翻使疏吏翻疏麤也糲脫粟也一斛粟得六斗米為糲糲郎葛翻

禁其下無

得侵擾百姓犯者必斬河北遂安以夏官侍郎姚元

崇祕書少監李嶠並同平章事突厥默啜離趙州

離力

智乃縱閭知微使還太后命磔于天津橋南

磔陟格翻張也開也

使百官共射之既乃舁其肉

射而亦翻下既射同舁古瓦翻剔人肉至骨也

剉

其骨夷其三族疎親有先未相識而同死者

考異曰朝野僉載

云則天磔知微於西市命百官射之河內王懿宗去七步射一發皆不中怯懦如此知微身上箭如蝟毛剉其骨肉夷其九族小兒年七八歲嫗抱向西市百姓哀之擲餅果與者仍相爭奪以為戲笑監刑御史不忍害奏

捨之今
從實錄

褒公段瓚志玄之子也

段志玄從起晉陽征伐有功瓚藏旱翻

先

沒於突厥突厥在趙州瓚邀楊齊莊與之俱逃齊莊畏

懦不敢發

懦乃臥翻又奴亂翻

瓚先歸太后賞之齊莊尋至敕河

內王武懿宗鞠之懿宗以為齊莊意懷猶豫遂與閭知

微同誅既射之如蝟氣磔磔未死

磔余懾翻

乃決其腹割心

投於地猶赍赍然躍不止

赍起逸翻

擢田歸道為夏官侍郎

甚見親委 蜀州每歲遣兵五百人戍姚州

蜀州漢江源武陽之

地李雄置江源郡晉為晉原縣隋廢郡以縣屬益州垂拱二年分置蜀州

路險遠死亡者多

蜀州刺史張柬之上言以為姚州本哀牢之國

哀牢夷見四十一

五卷漢明帝

永平十二年荒外絕域山高水深國家開以為州

武德四年

以漢益州郡之雲南縣地置姚州以地人多姓姚故也舊志至京師四千九百里麟德元年移治弄棟川

未

嘗得其鹽布之稅甲兵之用而空竭府庫驅率平人受

役蠻夷肝腦塗地臣竊為國家惜之

竊為于偽翻

請廢姚州

以隸雋州歲時朝覲同之蕃國

雋音黠朝直遙翻

瀘南諸鎮亦

皆廢省於瀘北置關

瀘音盧

百姓非奉使無得交通往來

使疏吏翻疏奏不納

二年正月丁卯朔告朔於通天宮

告占沃翻
又如字

壬戌以皇

嗣為相王領太子右衛率

相息亮翻
率所律翻

甲子置控鶴監丞

主簿等官

先已置控鶴
監今方備官

率皆嬖寵之人

嬖卑義翻
又博計翻

頗用才

能文學之士以參之以司衛卿張易之為控鶴監銀青光

祿大夫張昌宗左臺中丞吉頊殿中監田歸道夏官侍郎

李迥秀鳳閣舍人薛稷正諫大夫臨汾負半千

臨汾縣帶
晉州本平

陽縣隋更名半千本彭城劉氏十世祖齊受禪奔魏以忠烈自此五負因自姓負負音云

皆為

控鶴監內供奉稷元起之從子也

薛元起事高
宗從才用翻

半千以古

無此官且所聚多輕薄之士上疏請罷之由是忤旨

上時掌翻

忤五故翻

左遷水部郎中

臘月戊子以左臺中丞吉頊為天

官侍郎右臺中丞魏元忠為鳳閣侍郎並同平章事文

昌左丞宗楚客與弟司農卿晉卿坐賄賂滿萬餘緡及第

舍過度楚客貶播州司馬晉卿流峰州

峰州漢交趾麋冷縣地吳置新興郡

晉改新昌郡齊置興州隋初改華州十八年改峰州大業廢州併入交趾為嘉寧縣唐武德四年復置峰州舊志播州去京師四千四百五十里東都四千九百六十里峰州至京師七千七百里

太平公主觀其

第歎曰見其居處

處昌呂翻

吾輩乃虛生耳

辛卯賜太子姓

武氏赦天下 太后生重眉成八字

重直龍翻

百官皆賀

河南北置武騎團以備突厥

騎奇寄翻

春一月庚申夏官

尚書同鳳閣鸞臺三品武攸寧罷為冬官尚書 二月

己丑太后幸嵩山過緱氏謁升仙太子廟

緱氏縣屬洛州升仙太子

周王子晉也世傳晉升仙後桓良遇之於嵩山曰七月七日待我於緱氏山頭果乘白鶴駐山頂舉手謝時人

而去後人因為立祠后加號升仙太子杜祐曰緱氏縣古滑國緱工庾翻

壬辰太后不豫遣

給事中樂城閭朝隱禱少室山朝隱自為犧牲

朝直遙翻

沐

浴伏俎上請代太后命太后疾小愈厚賞之丁酉自緱

氏還 初吐蕃贊普器弩悉弄尚幼論欽陵兄弟用事

皆有勇略諸胡畏之欽陵居中秉政諸弟握兵分據方

面贊婆常居東邊為中國患者三十餘年器弩悉弄浸

長

長知兩翻

陰與大臣論巖謀誅之會欽陵出外贊普詐云

出畋集兵執欽陵親黨二千餘人殺之遣使召欽陵兄

弟欽陵等舉兵不受命贊普將兵討之欽陵兵潰自殺

夏四月贊婆帥所部千餘人來降

使疏吏翻將即亮翻帥讀曰率降戶江翻

考異曰實錄贊婆及其兄弟莽布支等來降以莽布支為左羽林衛負外大將軍封安國公按贊婆弟名悉

多于數論明年吐蕃將莽布支寇涼州
與唐休璟戰未詳實錄所云今刪去

太后命左武衛

鎧曹參軍郭元振與河源軍大使夫蒙令卿將騎迎之

夫蒙姓也姓譜夫蒙羌複姓
後秦有建威將軍夫蒙大羌

以贊婆為特進歸德王欽

陵子弓仁以所統吐谷渾七千帳來降拜左玉鈐衛將

軍酒泉郡公 壬辰以魏元忠檢校并州長史充天兵

軍大摠管以備突厥婁師德為天兵軍副大摠管仍充

隴右諸軍大使專掌懷撫吐蕃降者 太后春秋高慮

身後太子與諸武不相容壬寅命太子相王太平公主

與武攸暨等為誓文告天地於明堂銘之鐵券藏于史

館 秋七月命建安王武攸宜留守西京代會稽王武攸

望

守式又翻
會工外翻

丙辰吐谷渾部落一千四百帳內附

吐從

賊入聲
谷音浴

八月癸巳突騎施烏質勒遣其子遮弩入見

西突厥既敗突騎施始盛突騎施烏質勒者西突厥之
別種也初隸斛瑟羅下號莫賀達干後斛瑟羅入朝其
地為烏質勒所併騎
奇寄翻見賢遍翻遣侍御史元城解琬安撫烏質勒

及十姓部落

解戶
買翻

制州縣長吏非奉有勅旨毋得擅

立碑

長知
兩翻

內史王及善雖無學術然清正難奪有大

臣之節張易之兄弟每侍內宴無復人臣禮

復扶又翻

及善

屢奏以為不可太后不悅謂及善曰卿既年高不宜更

侍遊宴但檢校閣中可也

閣謂省閣也

及善因稱病謁假月

餘

假古訝翻

太后不問及善歎曰豈有中書令而天子可一

日不見乎事可知矣乃上疏乞骸骨

上時掌翻疏所去翻

太后不

許庚子以及善為文昌左相太子宮尹豆盧欽望為文

昌右相仍並同鳳閣鸞臺三品

相悉亮翻下同曰新紀表及善同平章

考異

事今從實錄朝野僉載曰王及善才行庸猥風神鈍濁為內史時人號為鳩集鳳池俄遷文昌右相無它政但

不許令史奴驢入臺終日迫逐無時甞捨時人號
驅驢宰相此蓋張文成惡及善毀之耳今從實錄
驛臺

侍郎同平章事楊再思罷為左臺大夫

即左御史大夫

丁未相

王蕙檢校安北大都護以天官侍郎陸元方為鸞臺侍

郎同平章事納言隴右諸軍大使婁師德薨

使疏吏翻

師

德在河隴前後四十餘年恭勤不怠民夷安之性沈厚

寬恕狄仁傑之入相也師德實薦之而仁傑不知意頗

輕師德數擠之於外

沈持林翻數所角翻擠子西翻又子細翻

太后覺之嘗

問仁傑曰師德賢乎對曰為將能謹守邊陲

將即亮翻下同

賢

則臣不知又曰師德知人乎對曰臣嘗同僚未聞其知人也太后曰朕之知卿乃師德所薦也亦可謂知人矣仁傑既出歎曰婁公盛德我為其所包容久矣吾不得窺其際也是時羅織紛紜師德久為將相獨能以功名終人以是重之 戊申以武三思為內史 九月乙亥

太后幸福昌

福昌縣屬東都本宜陽縣武德二年更名因隋福昌宮以名縣也

戊寅還

神都 庚子邢貞公王及善薨 河溢漂濟源百姓廬

舍千餘家

濟源本春秋時原邑漢屬河東垣縣界隋開皇十六年置濟源縣屬懷州濟子禮翻

冬十月丁亥論贊婆至都太后寵待賞賜甚厚以為右

衛大將軍使將其衆守洪源谷

洪源谷在涼州昌松縣界使將即亮翻

太子相王諸子復出閤

相王諸子幽宮中見二百四卷天授二年復扶又翻下不復同

太后自稱制以來多以武氏諸王及駙馬都尉為成

均祭酒博士助教亦多非儒士又因郊丘明堂拜洛封

嵩

郊丘祭園丘於南郊也享萬象神宮及享通天宮皆明堂也垂拱四年拜洛萬歲通天元年封嵩山

取

弘文國子生為齋郎

齋郎者執豆籩奉樽彝饗洗以供祭祀之事

因得選補

由是學生不復習業二十年間學校殆廢而鄉時酷吏

所誣陷者其親友流離未獲原宥鳳閣舍人韋嗣立上

疏

上時掌翻
疏所去翻

以為時俗浸輕儒學先王之道弛廢不講

宜令王公以下子弟皆入國學不聽以它岐仕進又自

揚豫以來

謂徐敬業起兵於揚州
越王貞起兵於豫州也

制獄漸繁酷吏乘間

專欲殺人以求進

間古
覓翻

賴陛下聖明周丘王來相繼誅

殛

天授二年周興流死丘神勳誅延載
元年王宏義誅神功元年來俊臣誅

朝野慶泰若再

覩陽和

朝直
遙翻

至如仁傑元忠往遭案鞫亦皆自誣非陛

下明察則以為菹醢矣今陛下升而用之皆為良輔何

乃前非而後是哉誠由枉陷與甄明耳

甄稽延翻

臣恐鄉之

負冤得罪者甚衆亦皆如是伏望陛下弘天地之仁廣

雷雨之施

施式志翻

自垂拱以來罪無輕重一皆昭洗死者

追復官爵生者聽還鄉里如此則天下知昔之枉濫非

陛下之意皆獄吏之辜幽明歡欣感通和氣太后不能

從嗣立承慶之異母弟也母王氏遇承慶甚酷每杖承

慶嗣立必解衣請代母不許輒私自杖母乃為之漸寬

為于偽翻

承慶為鳳閣舍人以疾去職嗣立時為萊蕪令

萊蕪

縣漢屬泰山郡晉廢後魏於古城置羸縣唐貞觀初廢入博城縣后復於廢羸縣置蕪萊縣屬兗州

太后

召謂曰卿父嘗言臣有兩兒堪事陛下卿兄弟在官誠如父言朕今以卿代兄更不用它人即日拜鳳閣舍人

是歲突厥默啜立其弟吐悉訇為左廂察

吐當沒訇蒲北翻

下同骨篤祿子默矩為右廂察各主兵二萬餘人其子訇

俱為小可汗位在兩察上主處木昆等十姓兵四萬餘

人又號為拓西可汗

處木昆十姓西突厥所部也故號拓西

久視元年

是年五月始改元

正月戊寅內史武三思罷為特進

太子少保

考異曰新紀表皆云戊午貶吉頊為瑛川尉壬申三思罷中間未嘗復入相明年十一

月壬申又云三思罷日及官皆同蓋誤重複耳今從實錄

天官侍郎同平章事吉頊

貶安固尉

考異曰實錄但云坐事貶流僉載新書皆云貶瑛川尉今從御史臺記

太后以

頊有幹略故委以腹心頊與武懿宗爭趙州之功於太

后前頊魁岸辯口懿宗短小傴僂

傴僂於庾翻僂力主翻

頊視懿宗

聲氣陵厲太后由是不悅曰頊在朕前猶卑我諸武況

異時詎可倚邪它日頊奏事方援古引今太后怒曰卿

所言朕既聞之

既於翻

無多言太宗有馬名師子驄肥逸

無能調馭者朕為宮女侍側言於太宗曰妾能制之然
須三物一鐵鞭二鐵撻三七首鐵鞭擊之不服則以撻
撻其首又不服則以七首斷其喉太宗壯朕之志今日
卿豈足污朕七首邪

撻側瓜翻斷音短汚烏故翻

項惶懼流汗拜伏

求生乃止諸武怨其附太子共發其弟冒官事由是坐

貶辭曰得召見

見賢遍翻下再見同

涕泣言曰臣今遠離闕庭

離力

智翻永無再見之期願陳一言太后命之坐問之項曰合

水土為泥有爭乎

合音閤

太后曰無之又曰分半為佛半

為天尊有爭乎曰有爭矣頃頃首曰宗室外戚各當其分

則天下安

分扶問翻

今太子已立而外戚猶為王此陛下驅

之使它日必爭兩不得安也太后曰朕亦知之然業已

如是不可何如

觀太后使二子與諸武立誓則誠知勢有所必至而出此下策耳

臘

月辛巳立故太孫重潤為邵王其弟重茂為北海王

太后問鸞臺侍郎陸元方以外事對曰臣備位宰相有

大事不敢以不聞人間細事不足煩聖聽由是忤旨

忤五

故翻 庚寅罷為司禮卿

光宅改太常卿為司禮卿

元方為人清謹再為

宰相太后每有遷除多訪之元方密封以進未嘗漏露
臨終悉取奏藁焚之曰吾於人多陰德子孫其未衰乎
以西突厥竭忠事主可汗斛瑟羅為平西軍大總管

鎮碎葉 丁酉以狄仁傑為內史 庚子以文昌左丞

韋巨源為納言

考異曰新紀表庚子文昌左相韋巨源為納言十月丁巳罷先時不言巨源

為左相舊紀傳皆無之蓋左丞誤為左相耳

乙巳太后幸嵩山春一月丁

卯幸汝州之溫湯戊寅還神都作三陽宮於告成之石

淙

三陽宮去洛城一百六十里萬歲登封元年改東都陽城縣曰告成以祀神嶽告成也淙藏宗翻又士江

翻

二月乙未同鳳閣鸞臺三品豆盧欽望罷為太子

賓客 三月以吐谷渾青海王宣超為烏地也拔勤忠

可汗

宣超諾曷鉢之孫也

夏四月戊申太后幸三陽宮避暑有

胡僧邀車駕觀葬舍利太后許之狄仁傑跪于馬前曰

佛者夷狄之神不足以屈天下之主彼胡僧詭譎直欲

邀致萬乘以惑遠近之人耳山路險狹不容侍衛非萬

乘所宜臨也

譎之穴翻乘繩證翻

太后中道而還曰以成吾直臣

之氣 五月己酉朔日有食之 太后使洪州僧胡超

合長生藥

合音

三年而成所費巨萬太后服之疾小瘳

瘳 丑 留 翻

癸丑赦天下改元久視去天冊金輪大聖之號

去 羌

呂 翻

六月改控鶴為奉宸府以張易之為奉宸令太后

每內殿曲宴輒引諸武易之及弟秘書監昌宗飲博嘲

謔

嘲 陟 交 翻 謔 訖 卻 翻

太后欲掩其迹乃命易之昌宗與文學之

士李嶠等修三教珠英於內殿

三教儒 釋道

武三思奏昌宗

乃王子晉後身太后命昌宗衣羽衣吹笙乘木鶴於庭

中文士皆賦詩以美之

宗衣於 既翻

太后又多選美少年為

奉宸內供奉

少詩照翻

右補闕朱敬則諫曰陛下內寵有易

之昌宗足矣近聞右監門衛長史侯祥等

唐諸衛府各有長史從六

品上各掌判其府諸

明自媒衒

衒焚絹翻

醜慢不耻求為奉

曹之事監古衒翻

宸內供奉無禮無儀溢于朝聽臣職在諫諍不敢不奏

太后勞之曰

勞力到翻

非卿直言朕不知此賜綵百段易之

昌宗競以豪侈相勝弟昌儀為洛陽令請屬無不從

屬之

欲翻

嘗早朝

朝直遙翻下同

有選人姓薛以金五十兩并狀邀其

馬而賂之

選須絹翻

昌儀受金至朝堂以狀授天官侍郎張

錫數日錫失其狀以問昌儀昌儀罵曰不了事人我亦

不記但姓薛者即與之錫懼退索在銓姓薛者六十餘

人悉留注官

索山客翻

錫文瓘之兄子也

張文瓘見二百一卷高宗乾封二年

初契丹將李楷固善用絹索及騎射舞槊每陷陳如

鵠入烏羣所向披靡

將即亮翻騎奇寄翻梁色角翻陳讀曰陣披普彼翻

黃蘆之

戰張玄遇麻仁節皆為所絹

事見上卷萬歲通元年

又有駱務整

者亦為契丹將屢敗唐兵

敗補邁翻

及孫萬榮死二人皆來

降

降戶江翻

有司責其後至奏請族之狄仁傑曰楷固等並

驍勇絕倫

驍堅
克翻

能盡力於所事必能盡力於我若撫之

以德皆為我用矣奏請赦之所親皆止之仁傑曰苟利
於國豈為身謀太后用其言赦之又請與之官太后以
楷固為左鈐衛將軍務整為右武威衛將軍使將兵擊
契丹餘黨悉平之

資治通鑑卷二百六

謹案卷二百五第一頁後七行釋名曰齊魯謂四齒杷為擢刊本釋名上行爾雅二字今刪

第六頁後一行吐蕃党項部落刊本項訛項今改
第七頁後一行以五聲聽獄訟刊本聲訛聽據周禮改

第十二頁後六行吐從瞰入聲刊本瞰訛瞰今改
第十九頁後一行而附于突厥刊本附訛付據唐書契丹傳改

第三十四頁前一行號奚縣地刊本號訛僂據漢
書地理志注改

第三十六頁前六行公解興造刊本造訛善據六
典改

卷二百六第十頁前四行掌苑園池之事刊本
園池訛縣地據六典改

第十一頁後三行朝野僉載刊本朝訛新據本書
注改


第二十一頁後五行至東都三千三百里刊本脫
都字據舊唐書地理志增

第二十三頁後五行舍人通事兼謁者之任刊本
任訛在據六典改

第三十頁後七行去京師四千四百五十里刊本
四百五十訛五百三十據舊唐書地理志改

第三十六頁前一行唐貞觀初廢入博城縣刊本
博訛傳據新舊唐書地理志改





總校官庶吉士臣侍朝

校對官檢討臣龔大萬

謄錄監生臣鄧肇槐